

Upfòta tó bhùkù

Yàrí bhùkù ò ì nòtù ádròdrǒ dhu tí dhu

Dhu àla ndì Upfòta tó yàrí bhùkù nandí ale rǎř Yùwanì, Yèsù Krístò bhà uvitatále. Kǎndí ka òná kàsùmì ǒ, Àziyǎ-Ngba tó pbìrì ní'ì Rómà kámá dǒ ádrùngbǎ kamà bhà pbìrì nzínzi ǒ atdí pbìrì. Ní ndì kamà náazè kongò ndùle mǔngǔ-ngba bhěyi. Yà ì nùvǒ ìnzǐ 'ùlě ka pbàkrístò nùso ka kongónà, kadù àbhùnà ràbà àpbè abhò nyú. Ndì dhu bhěyi ní ndì, ka kasò Yùwanì, kowù ùbhànà Pàtemù tí kátina sòngà dò (1.9), Yèsù Krístò bhà Ídzì Mǎkǔrù ùnò kǎrí ìndrù tò dhu-okú dò rò.

Yùwanì andí yàrí bhùkù mbèmbè àrùgyètdí kumì dòná imbò nà atò ǒ Yèsù Krístò ka kùgù dhu-dzidǒ. Kǎndí ka ndínǐ ndì ndabhù tí pbàkrístò-afí ròtsi ǒbì nǐ, ròkò Yèsù Krístò-rǒ tí ì àpbǎ afíya ró, àzèmbè ì í àpbè nábà rórò mǎtí. Kǎzè dhu ní abádhí rǒdò Yèsù Krístò ríngò ìnzá òtrò ìdhò ǒ dhu atdyúya nyú nà (22.7).

Upfòta tó bhùkù ní pbànábí tó bhùkù bhěyi rí dhu òvò ìndrù tò bhùkù (22.7,10,18,19). Kà-ò ka kálǎna dhu ní Ungbòta-Ayí ò ábhǒ bhùkù ò ka kǎndí dhu dòyá dhu. Ngǔkpàkà dhu-tsí ní ùru tí tǐya úrù ì dhu. Í ófò ní: «Mùnyòní», «Bàbeli», ndírò «ǒzú-bvu» (ífo, àrùbhù, atdí kumì dòná óyǒ nà).

Bhùkù-nyìtì ka kóhù tí dhu

- **Yùwanì** rǐ ndàtì Yèsù Krístò ívì ale tí dhu mà, Yèsù rǐ kǎví rùndí bhàruwà Àziyǎ-Ngba tó pbìrì ǒ àrùbhù kànísá tò dhu mànà dhu (1.1-3.22).
- **Yùwanì** rǐ òrù-akpà ǒ dhu àlà ǒnyù bhěyi ródzì dònà dhu tó ófò ǒ, ndàdù àwènà kóró dhu (4-20).

- Kàgàwà rǐ òrù-akpà-owútá mà adzi-owútá mà nà dhu nòbhòò dhu (21-22).

Bhükù-dòkpa

(Àmò 3.7; Upf 22.6-10)

¹ Yàrí bhükù ò rǐ dhu ní Yèsù Krístò abhù kuni inzá òtrò ìdho ò rǐ 'ònzì dhu. Kàgàwà abhù Yèsù rùnì ì dhu, ndínì kǐtè tí pòndà ale tò. Ní Yèsù Krístò avì pòndà màlàyikà rǐrà ì dhu òvò idù, ìma Yùwanì kàbhà ìnò-akpà.

² Ní ma mavò ma mala dhu ìndrù tò kóró. Ma matì ì dhu rǐrǐ Kàgàwà bhà òte nyù ndirò Yèsù rǐrǐ ì dhu tó ngàmbì. ³ Hirò nónzì rǐ ale ní wò ndì pbanábí tó ófò ò ka kandí òte nózù rǐ ìndrù tò ale, ndirò ní ì òte ìrì rǐ 'àdù òdòná affiya ò ale. Obhó tí, ì ì nandí òte rǎkǎ òná kàsùmì ìndù wà ndì.

Yùwanì rǐ Àziyà tó mùlengù ò àrùbhù kànísá ò bhà nóvì dhu

(Màt 24.30-31; Upf 5.8-13)

⁴ Ìma ní Yùwanì yà ma mí dhu àndì fùkù Àziyà tó mùlengù ò rǐrǐ àrùbhù kànísá ò bhà tírò rò. Kàgàwà, yà ìrǐ ìrǐ, yà ìrǐ arǐrǐ, ndirò yà ìrǐ iraya ale náká ndàso nyǐ, ndàdù nyǎbhù nyòkò màrùngà ò. Ndirò yà Ádrùngbǎ kamà tó kàbhà tombi-ònzì arǐrǐ kàbhà àrùbhù alafì* náká 'àso nyǐ, 'àdù nyǎbhù nyòkò màrùngà ò. ⁵ Ndirò, Yèsù Krístò náká ndàso nyǐ, ndàdù nyǎbhù nyòkò màrùngà ò átò. Ka ní obhó dhu kèlě ùnò arǐ ngàmbì, wemberè tí ndì ningbè òve-bvù rò ale, ndirò yà adzi dǒ ádròdrò kámá dǒ kamà*. Kòzè àlě, ndàdù àlě ùwù azùna nǐ àlě tó nzérèngà bhà òbì-tsinǎ rò. ⁶ Kǎbhù àlě àlě

* 1:4 1.4 Àrùbhù Alafì tí ka kátina iró dhu ní àrùbhù kànísá tó Ìlǐlǎ Alafì rǐ dhu òvò dhu. Àrùbhù rǐtèna ní atdíðò àkǎ bhùna ò dhu. * 1:5 1.5 Zàb 89.28

rì'ì òrù-akpa ǒ Ádrùngbă Kamà Kàgàwà bhà idzi ǒ bhà tí, ndirò ndi Àbanà tó arí kasu ònzi pbàkùhání tí*. Ní ilèta mà ádrùngbănga tó obi màrà náká kà nà tí dhòdhódhónganà! Àmìnà.

⁷ Àndà, kònnì kà rìrà àpbù ǒ*!

Ní kóró ale rǐ kàlă,

ìmbă rì'ì kǒngò-kpa mà nadù àlǐ nǐ ale màtí.

Ndirò yà adzi ǒ kóró ale-tidò rǐ 'ùhǔ izu nǐ kǒkú dò rò*. Obhó tí, kà rǐ'ì ndi dhu bhěyi! Àmìnà.

⁸ Yà kóró dhu dǒ arí'ì ádrùngbănga tó obi nà Ádrùngbăle Kàgàwà rătina: «Ima, Ima ní Álúfà ndirò òmégà†.» Ka ní yà ì'ì ì'ì, yà ì'ì arí'ì, ndirò yà ìrà iraya ale.

Yùwanì rǐ Yèsù Krístò àlă onyu bhěyi rǒdzì dònà dhu tó ófò ǒ dhu

(Dàn 10.5-12)

⁹ Ima ní adòku Yùwanì. Yèsù nà àlǐ kúngbò àlǐ dhu-otù ǒ, àlǐ kí'ì atdíkpá kàbhà ádrùngbănga tó idzi ǒ, àlǐ kí àpbè àbà atdíkpá, ndirò àlǐ kí dhu-dzi òndù atdíkpá. Ima, ma mi'ì òsò ka kósò ma kowù mubhà Pàtemù tí kátina sòngà dò ró, Kàgàwà bhà òte ùno ma mári ìndrù tò dhu-okú dò rò, ndirò Yèsù bhà ngàmbì tí ma mí'ì dhu-okú dò rò. ¹⁰ Ádrùngbăle Kàgàwà ùlǐ ka kí òná atdí yengè-idhò ǒ, kàbhà Ìlǐlǎ-Alafí níírà ma, madù wàndà rǒngò dhu bhěyi rǐ ndirò obi nyú nà ale-tù ìrì dzidu dònà rò rìrà ró. ¹¹ Ndi ale-tù ambénà àtìnà dǒ: «Nyì nyálána

* 1:6 1.6 Uvt 19.6 * 1:7 1.7 Dàn 7.13 * 1:7 1.7 Zàk 12.10,14 † 1:8 1.8 Pbagiríkí t'ávàna ǒ Álúfà ní wemberè tó bhàruwà-nyìkpó, ndirò òmégà ní kà riku dònà rò bhàruwà-nyìkpó. Kà-tì ní, Yèsù ràrǐ kóró dhu apè ndi rònà rò ale, ndirò kóró dhu araya ìku dònà rò ale.

dhu àkă nyandĩ bhükù ò, nyadù òvinà àrùbhù kígó ǒ rí: kànísá tò. † kígó ní: Èfesò, Sìmurunà, Pèrgamù, Tùwàterà, Sardì, Filadèlìfiyà, ndirò Làwòdikiyà.»

¹² Ní ma magéré ma ndíní ma mala tí wò idù rí dhu òvò ale. Nírò ní ndì ma mala orò nǐ ka kóbhòlò dhu, yà àrùbhù oṗbína dǒ ka karí tarà ùlǐ dhu. ¹³ Ndirò, † àrùbhù dhu-oṗbí nzínzì ǒ, ma mala Ìndrù t'Ídhùnà* bhěyi rólo ale. Ndi ale náafó pǎona ò nyú rárà àhù ádzí kanzù-akpà ròná, ndàdù ìsonà orò nǐ ka kóbhòlò kùkyě nǐ odrùna dǒ rò. ¹⁴ Kà-dòkà náawù tdyé òwǒwù tàrà-ká bhěyi, ndirò mbìlìkàkù bhěyi. Ndirò kà-nyìkpó náambénà ùmbìlì dǒ kàzù-idà-dò bhěyi. ¹⁵ Kà-pfò nùmbìlì álì tó kàzù ò ka kòbì rìlǎ pée mùlingà tó sùma bhěyi. Ndirò kà-tù ambénà ndirò dǒ àdhàdhì ábhò idha ráwa dhu rǐ ndirò dhu bhěyi. ¹⁶ Kǐrì àrùbhù alalì* ndì ndùlǐ fangà tó oṡsùna nǐ ró. Kà-li'ò rò ambénà àhù dǒ ní óyǒ kóró kunàdò rǐ ndàkà obhi-akpà. Ndirò, kà-nyì ambénà ùmbìlì dǒ atdíǒ, àdhàdhì atdíǒ nyú ríka ádrùngbànga tó oṡi nyú nà adyifò bhěyi. ¹⁷ Ma mitdègu kàlǎ, ní ma mitsi obvò kònzǐ àdhàdhì iwà òvè ale bhěyi. Pbéù, kǎdù fanga tó oṡsùna ìlì dùdú ndàdù àtìna: «Nzǒnzi oṡo! †ma, †ma ní kóró dhu apè ndì ròná rò ale ndirò kóró dhu araya ìku dòná rò ale. ¹⁸ †ma ní ípìrǒnga t'ále. Ma mavè wà, pbéù kòmbí, ma mírì ípìrò rò nyìkpódu nà dhòdhódhonganà. Ma mírì ádrùngbànga tó oṡi nà oṡe dǒ ndirò òyǐ ò nga dǒ. ¹⁹ Nírò, dhu àkă nyandĩ nyi nyálǎna dhu. † dhu ní ìrì rí: kòmbí dhu mà, olù rówu 'ùnà dhu mà. ²⁰ Yàrì ní ndì yà fanga tó oṡsùdu-tsíró nyi nyala àrùbhù alalì mà, wò orò nǐ ka kóbhòlò dhu, yà àrùbhù oṗbína dǒ ka karí tarà ùlǐ

* 1:13 1.13 2.18 * 1:16 1.16 1.20

màna-tì: kǒkò àrùbhù alali rītèna ní àrùbhù kànísá tó màlàyíká, ndirò tarà ùlǐ ka karí dòyá àrùbhù dhu-ɔpí rītèna ní i àrùbhù kànísá.»

2

Yèsù rǐ Yùwanì àvǐ rándǐ bhàruwà èfesò tó kigò ǒ rǐì kànísà tò dhu

(Kas 20.17,28-31; Èfε 1.15-16; 5.2; Èbr 6.10-12)

¹ Tdítdǒ, yà idù rúbhi dhu òvò rǒ ale náati: «Ándǐ dhu èfesò tó kigò ǒ rǐì kànísà tó màlàyíkà tò, nyati yàrí màkùrù ràhu kǒkò àrùbhù alali nùlǔ fangà tó ɔtsúna nǐ ale, ndirò yà ɔrò nǐ ka kóbhòlò àrùbhù tarà nzínzi ǒ rúbhi ale-li'ò rò. ² Kà rǎtina: «Ma mùni wà pbùkù mùtso, nyi nyarí adyò ìvò owùdu ùngǔ nyi nyí rò tí dhu, ndirò nyi nyarí dhu-dzi òndù tí dhu mà. Ma mùni wà dhu nyi rarí nzǐ nzéε dhu ònzi rǐ ale tó dhu-dzi òndù. Nyi nyómvu wà uvitátale tí arí 'àti ale-afí, tàmanya pbání ìnzǐ ní ì uvitátale rórò, nyadù dhu òsù abádhí ràrǐ tìtò t'únɔta t'ále. ³ Inyi ní dhu-dzi t'óndùta t'ále, ndirò nyi nyábà àpbè ɔvòdu-okú dò rò, pbétù ìnzǐ afínu ràdù ndingyε rùdú rò. ⁴ Pbétù, ma mí'ì inè okúnu dò rò ma múnɔna atdí dhu nà. Ndí dhu ní: inyi, nyi nyarí mbǎ àzè nà idù kòmbí àdhàdhì nyi nyí'ì kà nà angyi dhu bhěyi. ⁵ Nírò, írè pé nyi nyitsi ró nga, nyadù nyugèrè nyubhà pbùkù nzérenga, nyadu nyi wemberè tó pbùkù mùtso ò. Ìnzǐ nyi nyapé nyugèrè nyubhà pbùkù nzérenga, ní ma mírà tinu ò, madù pbùkù tarà ìpfo fíndá ngari ǒ rò. ⁶ Pbétù, nyi nyí'ì inè yàrí ídzi dhu nà nyunutsi: nyi

nyóndrò Pbanikòláyí* tó mùtso àdhàdhì ma móndrò ka átò dhu bhëyi tí.

⁷ Inga t'íríta tó bína nà arí'í ale náká ndiri wò ìlílá Alafí rǒvona kánísá tò dhu mbëyi! Dhu lè mà ònzi rí ale tò ma mabhùya yà Kàgàwà bhà inga ǒ rí'í ípìrǒnga tó itsu-kpǒ*, ndi ale ròtò.»

Yèsù rí Yùwanì àvǐ rándí bhàrwà Sìmurunà tó kíǒ ǒ rí'í kánísà tò dhu

(Màt 5.10-12; Yàk 1.12)

⁸ Tdítdǒ ndi ale atí ma nǐ: «Ándí dhu Sìmurunà tó kíǒ ǒ rí'í kánísà tó màlàyikà tò, nyati yàrí màkǔrù ràhù yà kóró dhu apè ndi róná rò ale, ndirò kóró dhu ikùya dóná rò ale-lí'ò rò. Ndi ale náavè wà, pbétù kòmbí kà rí'í ípìrǒ rò nyìkpóna nà. ⁹ Kà rátina: «Ma mùni wà pbùkù àpbè mà pbùkù nákù mànà. Pbétùngàtí, inyi ní ònzítale! Ndirò ma mùni ìngbà dhu bhëyi màtí Pbàyahúdí tí arí 'àti ale náarí dhu ùnɔ nyi nǐ dhu átò, tàmanyà pbání ìnzí ní ì Kàgàwà bhà obhóná ale rórò. Abádhí ní pǒmvo Sitanì ùlě arí ale tó mùtù! ¹⁰ Ní, nyi nyàká nzá nyonzi nyi nyábàna àpbè ɔdò. Nyi nyàká nyuni dhu ní, Pǒmvo rǎrǐ afíku ùmvù ùmvù, imbi-dzà ò ndi ndí nzínzikù ǒ atdídhena ale àbhǔ kusò dhu-otù ǒ. Ní nyǐ nyí àpbè àbà ràrà àhù idrè idho† tí. Pbétù, nyi nyàká nyondù dhu-dzi, ìmbǎ rí'í nyi nyóvè dhu màtí. Ní ma madùya ípìrǒnga tó mùkákú àbhù nyafǒ.

* 2:6 2.6 Pbanikòláyí ní'í mǎngǔ-nzo ùle arí, 'àdù àmbe mùnyònè ònzi dǒ ale. Ndirò, abádhí ongónà àdù indrù ùdho i dhu t'ónzita rǒ átò. * 2:7 2.7 ɔpt.2.9 † 2:10 2.10 idrè idho tí ka kátina iró dhu-tì ní ngúfe idhó-nzo.

¹¹ Inga t'íríta tó bǐna nà arí'ì ale náká ndìrì wò ìlǐlǎ Alafí rǒvǒna kànísà tò dhu mběyi! Dhu lèma ònzì rí ale nóvǒéya nǚ ɔyɔ-gùna ɔve nǚ* .»

Yěsù rǐ Yùwanì àvǐ rándí bhàruwà Pèrgamù tó kigò
 ǒ rǐ'ì kànísà tò dhu
 (Ìsa 11.4; Yud 3-4,11)

¹² Tdítdǒ ndì ale atì ma nǚ: «Ándí dhu Pèrgamù tó kigò ǒ rǐ'ì kànísà tó màlàyikà tò, nyatì yàrí màkùrù ràhu yà ɔyǒ kóró kunàdò rǐ ndàkà obhi-akpà nà rǐ'ì ale-li'ò rò.

¹³ Kà rǎtina: «Ma mùnì wà nyì nyarádi òná ngari. Ndi ngari ní pfòmvo Sitanì ɔnyù idzi òná ngari. Pbétùngatí, nyì nyínè ɔvòdu rǒ nyí nyápbà nyì ró tí. Ma mùnì wà Àtipasì yà pòtsó ídè pbàkà ngàm̀bì tí ìndrù-ònzǐ ale-rǒ ndì nónzì dhu átò. Ìmbà dhu rǐ'ì ka kóhò ka fùrabvǔ, yà pfòmvo Sitanì arádi òná pbanga ǒ dhu màtí, ní nyì nyúbhà nzá ìma nyì nyá'ù nǚ pbùkù a'uta. ¹⁴ Pbétù, ma mí'ì inè okúnù dò rò ma múvǒna dhu nà. Ndi dhu ní: nyì nyí'ì nà ale nzínzì ǒ atdídhena ale rǐ'ì inè, yà Bàlamà tí kátina ale udhè dhu nífǔ arí. Ndi Bàlamà ní ndì dhu nudhè Bàlakà tò, ndínǐ Pbàìsràyélí nabhù tí ròtsù nzérenga ò, rà'à sànamù tò ka kùbì perè tí ìzǎ, 'àdù mùnyònì nónzì‡. ¹⁵ Ndirò ròsè wò dhu dònǎ, wò nyì nyí'ìnà ale nzínzì ǒ, Pbànikòláyí* rǔdhèna dhu nífǔ arí ale rǐ'ì inè átò. ¹⁶ Nírò, nyì nyàkà nyugèrè nyì nyubhà pbùkù nzérenga. Obhó tí, ìmbà kǎpé ì'ì ndì dhu bhěyi, ní ma mírà àhu tinù ò ìnzá òtrò idho ǒ, madù ìla ùgyè kǒkò ì ale nà lidu ò rò ráhu obhi-akpà nǚ.

* 2:11 2.11 Upf 20.6,14; 21.8 ‡ 2:14 2.14 ɔzt 25.1-2; 31.16. Mùnyònì rǐnè ndì'ì mùnyònì kèlě tí, ngàtsi nǚ ìnzá ka kòddò ale Kàgàwà tò tí dhu tí. * 2:15 2.15 Upf 2.6

¹⁷ Inga t'írìta tó b'ina nà rí'í aɛ, náká ndírì yà ìlìlǎ Alafí r'òvona kànísá tò dhu mběyi! Dhu lèma ònzi rí aɛ tò ma mabhùya yà òru ka kórù mànà[§]. Ndirò, ma mabhùya òwòwù odú-ngba* kà tò. Ndi odú-ngba ní, yà ɔvɔ-ɔwútá* ka kándí dóná odu. Ndirò, ndi ɔvɔ-ɔwútá ní yà inzà atdí aɛ mà núnì ɔvɔ, inzà ní ndi odu ka kàbhù f'inda aɛ kèlě núnì ka rò.»

Yēsù rí Yùwanì àvì rándí bhàruwà Tùwàterà tó kigò ò rí'í kànísá tò dhu

(Kas 15.28-29; 1Kò 10.8,19-22; 1TÈ 1.2-3)

¹⁸ Tdítdǒ ndi aɛ ati ma nǎ: «Ándí dhu Tùwàterà tó kigò ò rí'í kànísá tó màlàyikà tò, nyati yàrí màkùrù ràhù Kàgàwà t'ídhùnà-lí'ò rò. Ndi kà t'ídhùnà ní yà nyìkpóna arí ùmbilì kàzù idà-dò bhěyi, p'óna ràdù ùmbilì átò àlì tó kàzù ò ka kòbì rìlǎ p'ée mùlìngà tó sùma bhěyi aɛ. ¹⁹ Kà rǎtina: «Ma mùnì wà nyi nyarí ònzina kasù, nyi nyòzè ngùkpà aɛ dhu, nyi nyá'ù ma dhu, nyi nyarí ngùkpà aɛ-dzùnà ònzi dhu, ndirò nyi nyarí dhu-dzi òndù dhu. Ndirò ma mùnì wà dhu, nyi rarí kasù ònzi kòmbí ròsè yà angyi nyi nyongóna kònzì tí dhu dóná. ²⁰ Pbéttù, ma mí'í inè okúnù dò rò ma mún'ona dhu nà. Ndi dhu ní: nyi nyúbhà Yèzèbeli* bhěyi rí dhu ònzi atdí tsìbhále, yà Kàgàwà bhà nabì tí arí ndàtì tsìbhále, r'òngò àmbè pbàkà aɛ ùtra dǒ. Kàbhù abádhí rùwí, ndàmbe mùnyònì t'ònzita mà sànamù tò ka kùbì perè tí ìzà mànà dhu t'á'ata ùdhe dǒ f'iyò. ²¹ Ní, ma mùbhà wà kàsùmì kà tò ndíní ndi n'ugèrè tí ndùbhà p'ìndà

§ 2:17 2:17 Manà tí ka kátina ír'ó dhu ní òrù-akpà ò ònyù (Yùw 6.31,49-50). * 2:17 2:17 òwòwù odú-ngba ní Kàgàwà bhà Idzi ò ka kòtsù dhu tó rusà ùfà rí dhu. * 2:17 2:17 Upf

3.12; 14.1 * 2:20 2:20 1Ká 18.4; 2Ká 9.21

nzéřnga. Pbéttù, kòzè nzá ndùbhà pbìndà m̀nỳǹǹ t'ónzita. ²² Ní àndà nga mběyi! Ma mí kà-ǒnga ìbvù àpbè tó ara dǒ, madù ádr̀ngbǎ àpbè àbhù átò kǒkò kà mànà arí m̀nỳǹǹ ònzi ale r̀b̀, yà ní ìnzá abádhí ùg̀èr̀ è ì'ùbhà ndi f̀ỳó nzéř m̀ts̀ nǐ. ²³ Ndi dhu-ògǔ dǒ, ma mí kǒwù ǹng̀ ale òkye òkye tí. Ndi dhu bhěyi ní ndi kóró k̀ǹsá rǐ dhu ùnǐ ìma r̀r̀ ndi ìndr̀-afí mà, ìndr̀ tó ìr̀eta mànà ò rǐ dhu àndà arí ale. Ndirò ma mí nzínziku ò ìngbàtí ìlì ndi ale mà bhà pèr̀ è nùbhò ndi ale bhà kasu-bvu rǒ.

²⁴ Pbéttù nyǐ Tùwàterà tó k̀ǹsá ò ngǔkpà pbàkrístò, nyǐ nyarí ìnzǐ Yèzèbeli rǔdhèna dhu-owù ùngǔ, ndirò nyǐ nỳǹǹ nzá pf̀m̀v̀ Sitanì bhà Órù ò dhu tí ka kátina dhu. Ní ma mátina nyǐ nǐ, ma r̀r̀ nǐ ngǎtsi àndò à'ě d̀k̀. ²⁵ Pbéttù, ma m̀ǹzi f̀k̀ dhu ní, nyǐ r̀k̀ nyǒdò wò nyǐ nỳǹǹ nà ìdzi ófò mběyi, r̀r̀ àhù ma mingoya òná idhò ò. ²⁶ Ndirò dhu lè mà ònzi rí ale, yà ma m̀zè dhu ònzi rí r̀r̀ àhù ma mingoya òná idhò ò ale, ní tò ma mabhùya ádr̀ngbǎnga tó òbi, r̀nỳ idzi kóró pbìrì ò ale dǒ. ²⁷ K̀ndaya ì ale tsumà tó mùgò nǐ, ndirò k̀koya abádhí-ǒnga yà anzi nǐ ka kórù ẁt̀-ǒnga ùkò ka karí dhu bhěyi*. ²⁸ Kà-tì ní, ma rabhùya àbhù Àbadu ibho idù ádr̀ngbǎnga tó òbi-tidò dhu lè mà ònzi rí ale tò. Ndirò ròsè wò dhu-dòná, ma rabhùya àbhù k̀tsingá nga tó alali* ndi ale tò, k̀ǹzì m̀lè mà dhu nìtè tí.

²⁹ Inga t'írìta tó b̀na nà rǐ ale ná k̀ ndìr̀ wò ìl̀l̀ Alafí r̀v̀na k̀ǹsá tò dhu mběyi!»

3

Yèsù rǐ Yùwanì àvǐ r̀ndì bhàrwà Sardi tó kigò ò rǐ

* 2:27 2.27 Zàb 2.8-9 * 2:28 2.28 Upf 22.16

kànìsà tò dhu

(Màt 7.21-23; 24.42-51; Yàk 2.14)

¹ Tdítdǒ ndi aɛ ati ma nǎ: «Ándí dhu Sardì tó kígò ǒ rí'í kànìsà tó màlàyíkà tò, nyati yàrí màkùrù ràhù Kàgàwà-ònzǎ aróko àrùbhù alafí* nà rí'í, ndàdù ì'í àrùbhù alalí* nà fóná átò aɛ-li'ò rò. Kà rǎtina: «Ma mùni wà pbùkù mùtso. Obhó tí, ìndrù arí nyalá ìnè rí'í ípìrǒnga nà aɛ bhèyi, pbétù nyadù ì'í iwà óvè aɛ.

² Ní, íkye! Ábhù ɔbi wò íkyèrǒ òdì ndíní ndi ndòvé tí nyunutsi rò dhu tò, ma màla wà dhu pbùkù mùtso ràrǎ'í mbá àkáká dhu tí pbàkà Kàgàwà-nyìkpó ǒ nídhuní.

³ Nírò, írè ìndù ka kúdhe dhu mà, nyi nyírì ndi dhu tí dhu màná. Nyi nyàkǎ nyífu ka, nyadù nyugèrè nyubhà pbùkù nzéɛnga. Ìnzǎ nyi nyapé ìnga àndà mbèyi, ní ma mírà àhù tinú ìnzá nyi nyùni kàsùmì ǒ àdhàdhì ogbotáɛ náarírà dhu bhèyi. ⁴Pbétù, nyi nyàdì àdì ngúfe aɛ nà Sardì tó kígò ǒ, yà ìnzá àpè ròyá mberù ìtǎ aɛ. ɪ aɛ ní ì atdíkpá mà mubhìya màná òwǒwù mberù nùfǒ ròyá rórò, abádhí ní ì àkáká aɛ nídhuní. ⁵Ndi dhu bhèyi ní ndi, dhu lè mà ònzǎ rí aɛ ka kufóya òwǒwù mberù nǎ. Ndirò, ma mohoya nzǎ ndi aɛ-òvò ípìrǒnga tó bhùkù ò rò. Ma mɔvɔya dhu kpangba Àbadu mà pbìndà màlàyíkà màná-ònzǎ, mati ndi aɛ ràrǎ'í pbàkà aɛ nyú.

⁶ Ìnga t'írìta tó bǎna nà rí aɛ, nàkǎ ndrì Ìlǎlǎ Alafí rǒvɔna kànìsá tò dhu mbèyi!»

Yèsù rí Yùwanì àvì rándì bhàruwà Filadèlìfiyà tó kígò ǒ rí'í kànìsà tò dhu

(2PÉ 1.10-11; 2.9)

* 3:1 3.1 Kàgàwà-ònzǎ aróko àrùbhù alafí rǎtèna dhu ní kàbhà Ìlǎlǎ Alafí. * 3:1 3.1 1.20

⁷ Tdítdǒ ndi ale ati ma nǎ: «Ándĩ dhu Filàdèlìfiya tó kigò ǒ kànísà tó màlàyikà tò, nyati yàrí màkǔrù ràhu ìlǐlǎ ale, ndàdù ǐ ǐ Obhóngatále tí ale-li'ò rò. Ndi ale rǐ ǐ ádrùngbǎ kamà Dàwudi bhà idzi ò rí ìndrù àbhǔ ròtsù fùngulà nà fóná. Kǎpé tsàtsù àpfo, ní kàpǐ rí ale arí mbá, ndirò kǎpé tsàtsù àpǐ, ní kàpfo rí ale arí mbá. ⁸ Kà rǎtina: «Ma mùni wà pbùkù mùtsò. Nírò kànǐ ma màpfo wà tsàtsù ìndù, yà ìnzǐ atdí ale mà rǎdù àpbinà tsàtsù. Ma mùni wà dhu, nyi rarǐ ǐ mbá ádrùngbǎnga tó ɔbi nà abho, pbétù nyi rífu wà pbàkà ɔte, ndirò nyi rásà nzà ɔvòdu. ⁹ Ní, kànǐ ma mí pfoṃvo Sitanì ǔlě arí ale tó mùtù ònzi tí dhu. ǐ ale ní tìtò t'únɔta t'ále, ndirò abádhí arí 'àti Pbayàhúdì tí, ìmbǎ ǐ ǐ Kàgàwà bhà ale nyú tí rórò. Ní ma mí abádhí ǔtǔ ròwù 'ùko ɔtdyùya dǒ ɔnzǐnù, rǎdù dhu ǔni iwà ma ròzè nyi. ¹⁰ Adhàdhì nyi nyódò nyi, nyongò dhu-dzi òndù yà ìndù ma múyǎ ka dhu bhěyi, ní ìma mà átò, ma mí nyɔɔ yà adzi ǒ kóró ngari ǒ rǐrà àpǐ tó kàsùmì ǒ. Ndi àpǐ rǐrà ndǐnǐ ndi ndomvú tí yà adzi ǒ arǐ ǐ ale-afí. ¹¹ Ma mírà ìnzá ɔtrò idho ǒ. Ní dhu àkǎ nyɔɔ wò nyi nyǐ ǐ nà ìdzi ófò mběyi, ndǐnǐ ìngbàtǐ ìlǐ ndi ale mà nídhá tí nzǐ mùlè mà tó pbùkù mùkàkú. ¹² Dhu lè mà ònzi rí ale ma mabhùya rǐ ǐ pbàkà Kàgàwà bhà-dzá átsùta tí. Ndi ale ahùya nzǐ ányǐ-dza rò akɛkpá màtǐ. Ndirò ròsè wò dhu-dòná, ma mandíya pbàkà Kàgàwà-ɔvò mà, ndi pbàkà Kàgàwà bhà kigò-ɔvò mà nà ndi ale-rǒ. Ndi kigò ní Yèrùsàlemà-ɔwùtá, yà ɔrù-akpà ò rò rífo, pbàkà Kàgàwà-tǐ'ò rò kigò. Ma mandíya ɔvòdu-ɔwùtá átò ndi ale-rǒ.

¹³ Inga t'írìta tó bǐna nà rǐ ǐ ale, nǎkǎ ndirì wò ìlǐlǎ Alafí rǒvɔna kànísà tò dhu mběyi!»

Yèsù rǐ Yùwanì àvǐ rǎndǐ bhàruwà Làwòdìkiya tó kigò

ǒ ríì kànìsà tò dhu

(Luk 14.34-35)

¹⁴ Kà ríku dòná rò nǎ, ndi ale ati ma nǎ: «Ándí dhu Làwòdikiyà tó kigò ǒ kànìsà tó màlàyikà tò, nyati yàrí màkùrù ràhu Àmìnà tí kátina ale-li'ò rò. Ndi ale ní ndi Kàgàwà ónzì dhu tó obhóná ngàmbì, obhó dhu kèlè únó arí ale, ndirò Kàgàwà abhòlò kóró dhu apè ì dòná rò ale. ¹⁵ Kà rátina: «Ma mùni wà pbùkù mùtsò: nyi nyíre nzá ndirò nyi nyígbě nzá. Àkǎ àmbènà àkǎ dhu ní nyire irě tí, ndirò ngǎtsi nǎ, nyigbě ìgbě tí†. ¹⁶ Pbétù kòmbí, nyi nyó'ò lílílí: nyi nyíre nzá irě tí, ndirò nyi nyígbě nzá ìgbě tí. Ní ndi dhu-okú dò rò, ma mí nyadyò àdyò tí. ¹⁷ Nyi nyarí nyati ònzítále tí, kóró dhu nà aríì ale tí, ndirò ìmbǎ aríì atdí dhu-atdyú nà màtí ale tí. Pbétù, nyi nyùnì nzá dhu, nyi rǎrǎ ìmbǎ dhu aríì fóná ale, izùna aró'ò ale, nǎkùtále, ndùmùndúmú, ndirò nzànzí rò aríì ale. ¹⁸ Ní ndi dhu-okú dò rò, ma mònzì nyi nyodzì kàzu nǎ ka kú'ò rìlǎ orò fudú, ndínì nyi nyí'ì tí ònzítále tí. Ndi dhu bhéyi tí átò, nyi nyàkǎ nyodzì òwòwù mberù, ndínì nyi nyafó tí rùnù, akye ka kalana wò ale-nyì rǎwu nǎ pbùkù nzànzíngà nǎ. Ndirò, nyi nyàkǎ nyodzì nyìkpónu ò nyi nyútdèna pbabǎ, ndínì nyi nyala tí nga tdítđǎ. ¹⁹ Ima, ma marí kóró ale yà ma mózè tó afátá itè ì ale tò, madù ì dhu òsò fíyò. Nírò, nyi nyàkǎ nyonzi obi,

† 3:15 3.15 Làwòdikiyà-tí ìì kyèròkyèrò Kòlòsayì tó kigò ǒ idha nǎ atdíđó irè idha, ndàdù ìì mbéyi nyú omvù tò. Ndirò Hiyèràpolì tó kigò ìì átò kyèròkyèrò ndi kigò-tí, òná idha ràdù ìgbě tí ìgbě. Pbétù, Làwòdikiyà ǒ idha-tsí náadù ìì lílílí, ìnzì ràdù òvù. ‡ 3:18 3.18 Làwòdikiyà-òvò nabhù ròtò ndi atdíđó dhu nǎ furangà t'úlita tó bǎki nà kǎì dhu, ndirò atdíđó úya mberù mà ale-nyìkpó tó pbabǎ mànà dhu òbhòlò ka kongónà kà-ǒ dhu.

nyùgèrè nyi nyubhà pbükù nzéřnga. ²⁰ Kànĭ, ma mìdè tsàtsùnă mambē hōdhi òpbì dŏ. Ní, ndi ale apé tǔdu ìri, ndàdù tsàtsù àpfò idù, ní ma mádù òtsù kàbhà idza, mǎdù dhu ònyù atdíkpá kà mànà. ²¹ Dhu lè mà ònzi rí ale ní ndi, ma mìliya ràdì íkyèrŏ tǐdú ádrùngbǎ kamà tó pbàkà tombi dŏ, àdhàdhì ima, ma manzì dhu lè mà madù àdì íkyèrŏ Àbadu-tí ádrùngbǎ kamà tó kàbhà tombi dŏ dhu bhěyi.

²² Inga t'írìta tó bĭna nà rí'ì ale, nákă ndirì wò ìlĭlă Alafí rŏvŏna kànísá tò dhu mběyi.»

4

Kàgàwà ùlĕ ka kí adyi nĭ pbìndà tombi dŏ àdì rŏrò dhu

(*Ìsa 6.1-4; Zèk 1*)

¹ Wò dhu-dzidŏ, ima Yùwanì, ma mala ònyù bhěyi rŏdzì dǔdù ngătsi dhu. Ní ndi ònyù ŏ, ma mala atdí tsàtsù kpangba ndì nàpfò òrù-akpà ò rŏ. Ní yà iwà ma mírì angyi, ràmbe ò'ò dŏ wàndà rŏngò dhu bhěyi ale-tù, náavò dhu idù, ndàtì: «Úpò àzú! Ní, ma mí olùnă rò rí 'ònzi tdítŏ dhu ìtè indù.»

² Ní ányìrŏ rò tí, Kàgàwà bhà ìlĭlă-Alafí irá ma. Ní ma mala ádrùngbǎ kamà tó tombi òrù-akpà ò ka kĭlì ràdì rŏ, atdí ale ràdù ì'ì ndi tombi dŏ ndì ndàdì rŏ. ³ Ndi ale ambénà ùmbilì dŏ atdíŏ àdhàdhì òrù odziya nà odu, yăspì mà sardi mànà tí kátina náarùmbilì dhu bhěyi. Ndi tombi ní'ì zùmàridì tí kátina odu bhěyi rùmbilì angò àkpòrò ngbŏna rŏ*. ⁴ Ndirò, kĭ'ì ádròdrŏ kámá tó óyŏ kumì dŏnă ìfŏ nà ngŭkpà tombi àkpòrò ngbŏna rŏ. Ndirò, ì tombi dŏ ì òkò rŏ ì'ì ale ní, óyŏ kumì dŏnă ìfŏ

* 4:3 4.3 Zèk 1.26-28

nà pbàkùrǔ*. Abádhí ìì òwǒwù mberù ì ùfǒ ròyá ró, ndírò abádhí-dò rǒ ìì ní òrò nǐ ka kóbhòlò mùkàkú. ⁵ Ádrùngbǎ kamà tó tombi dǒ rò, ìnga umbìlì, wògò ìrì ndì, òvò ràdù ùtǎ. Ndi tombi-ònzì ìì dhu ní kàzù rǒrù ròyá àrùbhù mùlè. † mùlè níì Kàgàwà-ònzì aróko àrùbhù alafí†. ⁶ Ndirò, ndi tombi-ònzì-tsǔ nga náala ndì ádrùngbǎ rèrù bhèyi. Kà-ò nga náambénà àwù dǒ atdídǒ àdhàdhì kìràwulì-ǒ nga náarí àwù dhu bhèyi.

Ípìrǒnga nà ìfò dhu-tsí‡ náakpòrò ndi ádrùngbǎ kamà tó tombi-ngbò, ìlì átsì. Ndirò abádhí-nyìkpó ìì angyinǎ rò màtì ndírò abádhí-dzidòná rò màtì. ⁷ Wemberè tó dhu nílì ndì àrì bhèyi, òvò rí kisé dhu ràdù ndìlì ìkyì-akpǎ-ngba bhèyi. ìbhu rí kisé-tsí-nyì nílì ndì ìndrǔ-nyì bhèyi, ìfò rí kisé ràdù ndìlì yà òrú arángìlì sàmbà bhèyi. ⁸ Ndirò, ì ìfò dhu níì pékéléya nà azàzá, nyìkpóya ràdù ùlè ngbǒya-rǒ màtì ndírò pékéléya-tsinǎ màtì. Abádhí owúnà adyi ùyù rǒ adyìbhengá ndírò kúbhingá màtì ìnzì ì ì ìngyě rórò, 'àmbe àtìná dǒ:

«ìlìlǎ ale, ìlìlǎ ale, ìlìlǎ ale ní alě tó Ádrùngbǎlè, yà ádrùngbǎnga tó òbì nà aríì kóró dhu dǒ ale, Kàgàwà*!

Ka ní ìì ìì, ìì aríì, ndírò ìrà ìraya ale.» ⁹ Ndirò, abádhí owúnà adyi ùyù rǒ, ìlè pbìndà ádrùngbǎ kamà tó tombi dǒ àdì Kàgàwà, yà dhòdhódhonganà aríì ìpìrǒnga nà ale nǐ. Abádhí owúnà kífù rǒ, 'àdù àmbe òtsò àbhu dǒ fìndà. ¹⁰ Abádhí rǐ dhu ònzì wò dhu bhèyi òná kóró kàsùmì ǒ, kǒkò

* 4:4 4.4 Kǒkò óyǒ kumì dòná ìfò nà pbàkùrǔ níì Kàgàwà bhà ale ìtè arí kònzì òrù-akpà ǒ bhà. † 4:5 4.5 Ózù wò dhu dǒ ka kàndì dhu 3.1 ò. ‡ 4:6 4.6 Zèk 1.4-24. Ózù-bvu ǒ, ìfò rǐtèna Upfòta tó bhükù ò ní yà adzi ǒ aríì kóró dhu-tsí. * 4:8 4.8 Ìsa 6.2-3

óyǒ kumì dóná ìfò nà pbàkùrǔ nówúnà 'ùkò rǒ
 ɔtdyàya dǒ wò pbìndà tombi dǒ àdì Kàgàwà, yà
 dhòdhódhónganà arí'ì ípìrǒngà nà alɛ-ònzǐ. † alɛ
 owúnà kùlɛ rǒ, 'ùwà dǒya-rǒ mùkàkú, 'ùlì obvò
 kàbhà tombi-ònzǐ, 'àdù àtìnà:

¹¹ «Fàkà Ádrùngbǎɛ, fàkà Kàgàwǎ, nyi nyàkǎ ilèta nà,
 ifuta nà, ndirò ádrùngbǎnga tó ɔbì nà.

Obhó tí, nyi nyabhòlò ndi kóró dhu.

Nyi nyabhòlò i dhu, nyi nyazè ndi abádhí rì'ì dhu-okú
 dò rò.»

5

Àkǎkǎ ndùngbɛ Kàgàwà bhà kàràtasǐ-yà-ba-tsù rǒ
 ando alɛ

(Róm 11.33-34; Fìl 2.5-11; Upf 1.5-6; 7.9-12)

¹ Wò dhu-dzidǒ, ma mala dhu ní àkpòrò ka kákpòrò
 kàràtasǐ-yà-ba ádrùngbǎ kamà tó tombi dǒ àdì alɛ tó
 fanga tó kǒtsú-tsíró. Ndi kàràtasì ní'ì ɔyɔyɔ kóró
 ka kándí dóná nga kàràtasì, kadù tsùna nùpba àrùbhù
 ngari ǒ rò ando nǐ kàsé tí, ìnzǐ atdí alɛ mà náanga
 tí. ² Ní, ma mala ádrùngbǎnga tó ɔbì nà arí'ì màlàyikà,

ràmbe dhu òvò dǒ ɔrú tǔna nyú nà, ndàtì: «Ádhi pbá alɛ
 ndi àkǎkǎ ndùngbɛ wò kàràtasǐ-yà-ba-tsù rǒ ka kùpbǎ
 ando, ndàdù ndi kàràtasì nánga?» ³ Pbéù, àkǎkǎ ndànga
 ndi kàràtasì, ndàdù ònà nga àndà alɛ ní'ì mbǎ atdí màtí
 ɔrù-akpà ò, yà adzi dǒ, ndirò ùvǔvè alɛ nzínzì ǒ màtí.

⁴ Ní, ma madzì atdí dǒ, àkǎkǎ ndàngbɛ ndi kàràtasǐ-yà-
 ba-tsù, ndàndà ònà dhu, ndàdù òzùna alɛ rǐ mbǎ atdí
 màtí dhu-okú dò rò. ⁵ Nírò ní ndi pbàkùrǔ nzínzì ǒ atdí
 alɛ náavò dhu idù, ndàtì: «Nzǒdzi! Àndà, kànǐ, Yudhà-
 dhú-bvǔ àrì*, ádrùngbǎ kamà Dàwudì bhà mùdzukuru,

* 5:5 5.5 ɔpt 49.9

nónzì wà dhu lè mà. Kà ní ndì àkǎ àkǎ ndùngbɛ kǒkò àrùbhù ngari ǒ ka kùpbǎ kàràtasì-tsù rǒ ando, ndànga ka, ndàdù ònà dhu òzù ale.»

⁶ Ní, ma mala Tàmǎ-ngba tí kátina ale ádrùngbǎ kamà tó tombi mà, ípìrǒnga nà ìfɔ dhu-tsí mà kǒkò pbàkùrù mànà nzínzì ǒ idè ró. Kǐlì ndì òho ka kòhò dhu bhèyi. Kǒtdyù ìrì àrùbhù, kà-nyìkpó ràdù ìrì àrùbhù átò. I àrùbhù kà-nyìkpó rǐtèna ní Kàgàwà-ònzì aróko àrùbhù alafí*, yà adzi ǒ kóró ngari ònǎ kùvì. ⁷ Ní, ndì Tàmǎ-ngba indrí ndì ádrùngbǎ kamà tó tombi dǒ àdì ale tí-ò, ndàko wò àkpɔɔ ka kàkpɔrò kàràtasì-yà-ba fangà tó kǒtsù-tsíró rò. ⁸ Kǐtdègu ndì kàràtasì àkǒ, ní kǒkò ípìrǒnga nà ìfɔ dhu-tsí mà, kǒkò óyǒ kumi dònà ìfɔ nà pbàkùrù mànà nùukò ì ɔtdyùya dǒ kònzì. Ìngbàtì ìlì ndì ale mà abádhí nzínzì ǒ ní ì dùmù mà ndrùù róngu màrasì àlè ònà ɔrò tó kópà mànà fóná. I màrasì rǐtèna dhu ní Kàgàwà bhà ale tó itsòta. ⁹ Abádhí ambénà yàrí adyi-ɔwútá nùyù dǒ, 'àmbe àtìnà dǒ:

«Nyi nyàkǎ ndì nyako yàrí kàràtasì,
nyadù kà-tsù ka kùpbǎ nǐ ando ùngbɛ.

Obhó tí, ka kahò nyì. Ní wò azùnɔ ufɔ ndì dhu-otù ǒ,
nyi nyadzì kóró rùgànda-tidò nzínzì ǒ ale mà,
kóró aláva-tidò nzínzì ǒ ale mà, kóró ale-tidò nzínzì ǒ
ale mà, kóró pbìrì ǒ ale nzínzì ǒ ale mà nà Kàgàwà
tò.

¹⁰ Nyi nyùlì abádhí rìrì pbàkùhání tí, ndínǐ kasɔ nɔnzì
tí àlè tó Kàgàwà tò. Ndirò, nyi nyábhɔ abádhí
rìrì kàbhà idzi ǒ bhà tí, ndínǐ abádhí ɔnyɔ tí idzi
yà adzi ǒ ale dǒ.

Ndirò, abádhí ɔnyɔya idzi ɔnyɔ yà adzi ǒ ale dǒ*.»

* 5:6 5.6 ǒzù wò dhu dǒ ka kàndì dhu 3.1 ò. * 5:10 5.10
2.26-27; 20.4; 22.5

¹¹ Wò dhu-dzidǒ, ma mandà nga tdítǒ, ní ma miri ádrùngbǎ kamà tó tombi-ngbò nàkpòrò ábhǒ màlàyíkà-tù mà, ípirǒnga nà dhu-tsí-tù mà, pbàkùrǔ-tù mà. Abádhí-bvǔ ní ì mìliyonì-tsù, ndirò mìliyonì-tsù, lufù-tsù, ndirò lufù-tsù. ¹² Abádhí ambénà ùkù dǒ orú tǔya nyú nà, 'àmbe àtìna dǒ:

«Àho ka kahò Tàmǎ-ngba náká ndi

ndàbà ádrùngbǎnga tó obi mà,

ònzì mà, dhu-ǒnga t'òvòta tó irèta mà, obi mà,

ifuta mà, ádrùngbǎnga tó awáwǔ mà, ilèta mà!»

¹³ Ndirò ma miri Kàgàwà abhòlò òrù-akpà ò, yà adzi dǒ, yà adzi-tsi, ndirò ádrùngbǎ rèrù ò kóró dhu-tù. Abádhí kóró náambénà adyi ùyù dǒ, 'àmbe àtìna dǒ:

«Ádrùngbǎnga tó awáwǔ, ifuta, ilèta, obi mà nà náká dhòdhóhonganà,

ádrùngbǎ kamà tó tombi dǒ àdi ale, Kàgàwà tò, ndirò Tàmǎ-ngba tò!»

¹⁴ Ní, kǒkò ípirǒnga nà ìfò dhu-tsí náadúnà òwu dhu àdu rǒ, 'àti: «Àmìna.» Ndirò ndi kàsùmì ǒ tí, kǒkò pbàkùrǔ adù 'ùkò otidyùya dǒ, 'ùlě wò tombi dǒ àdi ale mà, Tàmǎ-ngba mà.

6

Tàmǎ-ngba tí kátina ale rǐ kàràtasǐ-yà-ba-tsù rǒ ando núngbě dhu

(Zèk 14.21; Zàk 1.8-10; 6.1-7; Mát 24.6-8; Luk 18.7-8; Upf 7.13-14)

¹ Wò dhu-dzidǒ, ma mala dhu ní: Tàmǎ-ngba angbe wemberè tó ando yà kàràtasǐ-yà-ba-tsù rǒ ka kùpbǎ àrùbhù ando nzínzì ǒ dhu. Ní, ma miri kǒkò ípirǒnga nà ìfò dhu-tsí nzínzì ǒ atdí dhu, dhu òvo rí àdhàdhì ovo àtà dhu bhèyi rí ndiri tǔna nǐ, ndàti: «Áhù!» ² Ní ma

mandà nga, madù òwòwù atdí mùhàgù àla ndì nètò ró. Ndirò, ndì mùhàgù dǒ ùpò ndàdi ale* ì'ì ɔsu nà fóná, kadù mùkàkù àbhù fíndà. Kǎdù àhù mùlèmatále tírò, ndín'í ndì ndara tí dhu lè mà ònzì tdítǒ.

³ Wò dhu-dzidǒ, Tàmǎ-ngba angbe ɔyɔ rí kisé ando. Ní ma miri ípìrǒnga nà ɔyɔ rí kisé dhu, ràti: «Áhù!» ⁴ Ní kàzù bhèyi ngbǒna ilù ngǎtsi mùhàgù níítò ndì. Ní kà-dǒ ndì ndùpò ndàdi ró ì'ì ale-fó ka kabhù ádzì obhi-akpà. Ka kadù yà adzi ǒ rò kà rǐ màrùngà ìtò nǐ ádrùngbǎnga tó ɔbì àbhù kà tò átò. Kà-tì ní, kà rabhùya ìndrù ròkyè ì nínziya ǒ.

⁵ Tàmǎ-ngba itdègu ìbhù rí kisé ando nángbě, ní ma miri ípìrǒnga nà ìbhù rí kisé dhu, ràti: «Áhù!» Ní ma mùbè nga mandà rò, ma mala òtǒtì mùhàgù rìtò ndì. Ndi mùhàgù dǒ ndì ndùpò ndàdi ró ì'ì ale ní'ì kilo nà fóná. ⁶ Ní ma miri ale-tù bhèyi rí ndiri dhu ípìrǒnga nà ìfo dhu-tsí nínzi ǒ rò rí dhu òvɔ ró, ndàti: «Nganù-ra tó atdí kilo-odzi ní atdíku idhɔ tó kasù tó mùkimbà nyù, ndirò sàyirì-ra tó ìbhù kilo-odzi ní atdíku idhɔ tó kasù tó mùkimbà nyù átò! Pbétù, akye mà òvayì mànà nàndà dhu nǐ, nyi nyàkǎ nzá nyidzǐ ì-tsí-odzi.»

⁷ Tàmǎ-ngba níitdègu ìfo rí kisé ando nángbě, ní ma miri ípìrǒnga nà ìfo rí kisé dhu, ràti: «Áhù!» ⁸ Ní, ma mandà nga, madù iríbìta tó ikána nà mùhàgù àla rìtò ndì. Kà-dǒ ndì ndùpò ndàdi ró ì'ì ale-ɔvɔ ní'ì ɔve. Ndirò, kòwù ǒ ì'ì ní Ọyí ò nga tí kátina ale. Abádhí tò ka kabhù ádrùngbǎnga tó ɔbì, ndín'í yà adzi tó atdí nga ìfo dǒ ǒ ale nòkye tí obhi-akpà nǐ, àwù nǐ, kóró anditidò nǐ, ndirò irí ǒ ìzǎ nǐ.

* 6:2 6.2 Mùhàgù dǒ ùpò, 'òkò ìfo ale rǐtèna dhu ní Kàgàwà arí màlipò àbhù nzére ale tò dhu (Zàk 6.1-8).

⁹ Tàmă-ngba itdègu imbo rí kisé ando nángbě, ní màzàbahù-tsină, ma mala Kàgàwà bhà ðte t'únòta-okú dò rò, ndirò ndi ðte tó idzi ngàm̀bì tí ì í'ì dhu-okú dò rò ka kókyè ale. ¹⁰ Ní, ì ale ambénà ùkù dǒ ɔrú tǔya nyú nà, 'àmbe àtìna dǒ: «Ádrùngbǎle Kàgàwǎ, nyi ní ìlǎlǎ ale ndirò Obhóngatále. Nyi nyádi, nyambe inga òdò dǒ rǎrà àhu ìngbà kàsùmì ò, ndíní nyi nyitdì tí anya yà adzi ǒ ale dǒ, nyutsè ròká dhu, yà azùka nífù abádhí nzínzi ǒ ale-okú dò rò?» ¹¹ Ìngbàtí ìli ndi ale mà kǒkò ka kókyè ale nzínzi ǒ tò, ka kabhù òwǒwù kanzù. Ndirò ka katì abádhí nǎ: «Nyí nyákǎ nyǒdò adókù, yà Kàgàwà-owù ùngǔ arí ale. Ka kí abádhí nzínzi ǒ atdídená ale òkye yà nyí ka kókyè dhu bhěyi. † òkye ka kókyena ale-bvù rǎká rò nga ní ndi Kàgàwà adùya rùkù dhu ùtsè nǎ.»

¹² Wò dhu-dzidǒ ma mala dhu ní, Tàmă-ngba rǐ aza rí kisé ando nángbě dhu. Ní, yà adzi níivi atdídǒ, adyifò ugèrè ndi ndòtì ìnyi tó mberù bhěyi, àbì ràdù ndùgèrè ndòlù azu bhěyi. ¹³ Ɔrù-akpà-nyì rǒ alali náawà ì yà adzikpa dǒ, àdhàdhì itsu-kpǒ náarí 'àwà kázùrǒ rò, ɔbì nà rópili àpùpù rǐ kpàna-ǒnga ùyǎ òná kàsùmì ǒ dhu bhěyi. ¹⁴ Ɔrù-akpà níidhá ndi, ndàmbe ndàduru dǒ, àkpɔɔ ka kákpɔɔna kàràtasǐ-yà-ba náarí ndàdùrù dhu bhěyi. Kóró pbìrì mà, kóró sòngà màna nùungbe ì fiyó ngari ǒ rò, 'òwù. ¹⁵ Yà adzi ǒ ádròdrǒ kámá mà, ádròdrǒ ale mà, pbànowí tó ádròdrǒ ale mà, ònzitále mà, ɔbitále mà, ndirò kóró ngùkpà ale mà, yà ìno tí arí'ì mà, dòyá arí'ì ìtìrò ale màna náatsè, 'òwù 'ùrù odu-tsi arí'ì ibhu ònǎ màtí, ndirò pbìrì-rǒ arí'ì odu nzínzi ǒ màtí. ¹⁶ Abádhí ambénà dhu òvò dǒ pbìrì mà odu màna tò, 'àmbe àtìna dǒ: «Nyàwà nyí dòká, nyádù mǔrù itse wò ádrùngbǎ kamà tó tombi dǒ àdì ale-rǒ rò, ndirò Tàmă-ngba bhà

nàwí rǒ rò. ¹⁷ Obhó tí, abádhí tó nàwí tó ádrùngbã idho ìrà wà. Ní ádhi pbá aE ndi ìnè rí'ì ndàdi pbìndà ìpìrǒnga nà tdítǒ?»

7

Kàgàwà bhà aE-nyìndri rǒ ka kí kàsé ùpbi ndíní abádhí nǒdò tí kabhà nàwí rǒrò dhu (Yùw 10.16; Ròm 11.25-26; Upf 14.1-5; 21.3-4)

¹ Wò dhu-dzidǒ, ma mala ìfò màlàyíká, ikikò ìfò yà adzi-pbidò ònǎ ró. Abádhí utò awe-tsù i adzi pbidò ònǎ, ìnzǐ opili tí yà adzi dǒ màtí, ádrùngbã rèrù dǒ màtí, ndirò kóró itsu-tidò dǒ màtí. ² Ndirò, ka kabhù ádrùngbãnga tó òbi abádhí tò, ndíní abádhí ìnza tí yà adzi mà, ádrùngbã rèrù mànà nǐ. Ní, ma mala ngãtsi màlàyikà adyifò arí nditò ìnǎ rò rúpo ró, ndàdù ì'ì Kàgàwà, yà ìpìrǒnga nà arí'ì aE bhà kàsé nà fóná. Kǎdù òkù òrú tǔna nyú nà kǒkò ìfò màlàyíká tò, ndàti: ³ «ìnzǐ nyìnza yà adzi mà, ádrùngbã rèrù mà, itsu mànà, ràrà àhù kàsé ùdu àlě kí àlě tó Kàgàwà bhà aE-niyìndri-rǒ dhu ò.» ⁴ Ní, ma miri Kàgàwà bhà kàsé ka kùdù nyìyandri rǒ aE-bvù. Abádhí-bvù nǐ'ì, atdí miyà dòná ìfò kumì dòná ìfò nà lufù aE*, yà kàsé ka kùdù ròyá. I aE nǐ'ì yà Pbàìsràyélí tó atdí kumì dòná óyǒ nà rùgànda

* ^{7:4 7.4} Atdídhéná aE arí ìrèna dhu ní, atdí miyà, ìfò kumì dòná ìfò nà lufù aE-bvù nìbhò dhu rǎrǐ Pbàìsràyélí tó atdí kumì dòná óyǒ nà rùgànda-bvù ka kǐtrǒ atdí kumì dòná óyǒ nà Yèsù bhà uvitatáE-bvù gùna, kadù ìtrònà tdítǒ atdí lufù gùna dhu. Ndi atdí lufù rǐtèna dhu ní abho nyú ìndrù-bvù rǐ'ì dhu kèlě! Atdí kumì dòná óyǒ nà rǐtèna átò dhu ní Kàgàwà bhà aE.

kóró† nzinzi ǒ rò úvò ale. ⁵ Yudhà bhà rùgànda ǒ ale, yà kàsé ka kudu nyīya-ndri rǒ ní'ì atdí kumì dòná óyǒ nà lufù ale. Rùbenì bhà rùgànda ǒ ní'ì atdí kumì dòná óyǒ nà lufù ale. Gǎdì bhà rùgànda ǒ ní'ì atdí kumì dòná óyǒ nà lufù ale. ⁶ Àserì bhà rùgànda ǒ ní'ì atdí kumì dòná óyǒ nà lufù ale. Nàfùtalì bhà rùgànda ǒ ní'ì atdí kumì dòná óyǒ nà lufù ale. Mānasì bhà rùgànda ǒ ní'ì atdí kumì dòná óyǒ nà lufù ale. ⁷ Simiyonì bhà rùgànda ǒ ní'ì atdí kumì dòná óyǒ nà lufù ale. Lawì bhà rùgànda ǒ ní'ì atdí kumì dòná óyǒ nà lufù ale. Isàkàrà bhà rùgànda ǒ ní'ì atdí kumì dòná óyǒ nà lufù ale. ⁸ Zàbùlonà bhà rùgànda ǒ ní'ì atdí kumì dòná óyǒ nà lufù ale. Yǒzefù bhà rùgànda ǒ ní'ì atdí kumì dòná óyǒ nà lufù ale. Ndirò, BÈnyàminì bhà rùgànda ǒ ní'ì atdí kumì dòná óyǒ nà lufù ale.

Kóró pbirì ǒ ale tó ádrùngbǎ anduta

⁹ Wò dhu-dzidǒ, ma mandà nga, ní ma mala ìnzǐ ònà ale-bvu rǐ ndòzè ádrùngbǎ mùtù-ba. Ndi mùtù ǒ i'ì ale ní'ì: kóró pbirì ǒ ale, kóró rùgànda-tidò, kóró ale-tidò, ndirò kóró aláva-tidò t'ále mànà. Abádhí i'ì ádrùngbǎ kamà tó tombi-ònzǐ ndirò Tàmǎ-ngba-ònzǐ ì ìkò ró, 'àdù òwǒwù kanzù ùfǒ ròyá, ndirò 'àdù ngazì-kpa-dòkà ùlu fǒyá. ¹⁰ Ndirò, abádhí ambénà ùkù dǒ orú tǔya nyú nà 'àmbe àtìna dǒ: «Àlě tó ògù ìrà wà àlě tó Kàgàwà, yà ádrùngbǎ kamà tó tombi dǒ àdì ale bhà rò, ndirò Tàmǎ-ngba bhà rò!» ¹¹ Ndirò, kóró màlàyíká ní'ì ádrùngbǎ kamà tó tombi mà, pbàkùrǔ mà, ípìrǒnga nà ìfò dhu-tsí mànà-ngbò ì àkpòrò ró. Ní abádhí kóró núugú-nyìya

† 7:4 7.4 Pbàisràyélí tó atdí kumì dòná óyǒ nà rùgànda kóró tí ka kátina iró ní Kàgàwà bhà ale tí arí'ì ale kóró, ìnzǐ ní Ungbòta-Ayí kèlě ǒ.

ràpbă adzikpa-ngbò nyú ádrùngbă kamà tó tombi-ònzǐ, 'àdù àmbe Kàgàwà ɛ̀ɛ dǒ. ¹² Abádhí ambénà àtìna dǒ: «Àmìnà! Ilèta mà, ádrùngbănga tó awáwù mà, dhu-ŏnga t'óvòta mà, òtsò t'ábhuta mà, ifuta mà, ádrùngbănga tó ɔbi mà, ɔbi màna náká kabhu àlě tó Kàgàwà tò dhòdhódhonganà! Àmìnà!»

¹³ Ní, pbàkùrù nzínzi ǒ atdí aɛ ivú dhu tsùdú, ndàti: «Kǒkò òwǒwù kanzù nùfǒ aɛ ní àdhi mà? Ndirò, abádhí iwù àdhà rò?» ¹⁴ Ní ma madù dhu àdu kà tò, mati: «Pbàkà ÁdrùngbălÉ, inyi ní ndi nyi nyùni ka.» Nírò ní ndi kădù dhu òvò idù, ndàti: «Kǒkò aɛ ní ábhǒ àpbè ǒ rò ùvò aɛ. Abádhí ù'o ròyá kanzù ròwù tdyé Tàmă-ngba-azù nǐ. ¹⁵ Ndi dhu-okú dò rò nga ní ndi, abádhí ikò Kàgàwà bhà ádrùngbă kamà tó tombi-ònzǐ, ndirò abádhí rǐ kasu ònzǐ kà tò kàbhà idza ǒ adyibhengá nga mà kúbhingá nga màna ǒ. Ndirò wò ndi pbìndà ádrùngbă kamà tó tombi-dǒ àdi Kàgàwà rǐ pbìndà hemè-idzà ùpě abádhí dǒ, ndínǐ ongó tí abádhí òdò. ¹⁶ Àwù rǐ nǐ abádhí òho tdítǒ, idha-atdyú mà rǐ nǐ abádhí òho tdítǒ, adyifò mà rǐ nǐ abádhí òbi tdítǒ, ndirò abádhí rǐ nǐ igbétá inè tdítǒ. ¹⁷ Obhó tí, Tàmă-ngba, yà ádrùngbă kamà tó tombi nzínzi ǒ rǐ aɛ, rǐ abádhí ùnda pbìndà tàma bhëyi, ndàdù àrà abádhí nà ípìrǒnga tó idha-dòti ò. Ndirò, Kàgàwà rǐ abádhí-nyidha ùndò kóró.»

8

Tàmă-ngba tí kátina aɛ rǐ kàràtasǐ-yà-ba-tsù rǒ àrùbhù rǐ kisé ando nángbě dhu
(Upf 5.8)

¹ Tàmă-ngba níitdègu àrùbhù rí kisé ando nángbě, ní òrù-akpa ò nga níimbè bhii ràrà àhù mbèmbè atdí adyifò-sisì-go tí.

² Wò dhu-dzidǒ, ma mala Kàgàwà-ònzǐ arí ikò àrùbhù màlàyíkà, kadù àrùbhù wàndà àbhù foyá.

³ Ndirò, ngàtsi màlàyíkà ìra, ndidè íkyèrǒ màzàbahù-tí. Kǐì ndrùù róngu alindra bhěyi sobǐ ùbì ka karí dòná orò nǐ ka kóbhòlò wìtù nà foná. Kà-fó ka kabhù ndi sobǐ abho nyù, ndínǐ kǎbhù tí pèrè tí atdíkpá Kàgàwà bhà ale kóró tó itsòta mànà orò tó ndi màzàbahù dǒ. Ndi màzàbahù ìì Kàgàwà bhà ádrùngbǎ kamà tó tombi-ònzǐ. ⁴ Ndi sobǐ-ikò núupò ndi màlàyíkà-fó rò Kàgàwà-ònzǐ atdíkpá ndi Kàgàwà bhà ale tó itsòta mànà. ⁵ Wò dhu-dzidǒ, ndi màlàyíkà idyi wò ndrùù róngu sobǐ ùbì ka karí dòná dhu, ndírǎ màzàbahù-dǒ rò ndi ndidiyì kàzù nǐ, ndàdù ìbvùnà yà adzi dǒ. Nírò, oyo utá, wògò ìri ndi, ìnga umbìlì, yà adzi ràdù ìvi.

Àrùbhù màlàyíkà rǐ yà adzi ǒ rírà àpbè ìtè rí wàndà ùmì dhu

(Uyt 7.19-21; 9.22-25; 10.21-23)

⁶ Kǒkò àrùbhù màlàyíkà, foyá àrùbhù wàndà nà náabhòlò ì ndínǐ ì ùmì tí ì wàndà.

⁷ Ní, wemberè tó màlàyíkà náamì p̀bìndà wàndà, kadù azu nà ì nàngbò ifo mà kàzù mànà níbvù yà adzi dǒ. Yà adzi tó atdínga ìbhù dǒ náagbè, itsu tó atdí nga ìbhù dǒ ràdù ògbe átò. Ndirò ìrì agbè kóró.

⁸ Wò dhu-dzidǒ, oyo rí kisé màlàyíkà náamì p̀bìndà wàndà. Ní, kàzù rǒgbe ròná ádrùngbǎ p̀bìrì nà ndi nòfò atdí dhu ka kibvu ádrùngbǎ r̀r̀r̀ ò, ndi r̀r̀r̀ tó atdí nga ìbhù dǒ ràdù ndùgèrè ndòngò azu tí. ⁹ Ádrùngbǎ r̀r̀r̀ ò aróko Kàgàwà abhòlò dhu-tsí tó atdí nga ìbhù dǒ nùuvè, bàtó tó atdí nga ìbhù dǒ ràdù ìnza.

¹⁰ ìbhu rí kisé màlàyikà-tsí náamì p̀b̀ndà wàndà. Ní, mà̀ε-r̄ kà̀z̀u bhěyi r̄ó̀r̀u ádr̀ungbã alalì-ba nítsi ò̀r̀u-akpà ò̀ r̀ò, ìdha-apká tó atdí nga ìbhu d̄ ñí d̄, ndír̀ò ìdha-d̀ò̀tì d̄. ¹¹ Ndi alalì-ò̀v̀ò ní'ì «Ogú». Ní wò dhu ìtsì d̀ò̀yá ìdha-apká tó atdí nga ìbhu d̄ náad̀u ò̀gyè tí ò̀gyè. Ndir̀ò ì ìdha ǹm̀v̀ũ ábh̄ ò̀ ale nyú náad̀u ù̀v̀ε, ò̀gyè tí ì ìdha ò̀gyè nídhun̄.

¹² Wò dhu-dzid̄, ìf̀o rí kisé màlàyikà amì p̀b̀ndà wàndà. Ní adyif̀ò mà, àb̄ì mà, alalì mà̀nà tó awáẁu-kud̀ò tó atdí nga ìbhu d̄ náav̀ε, nd̀ong̀ò ì̀ǹò tí. Ndi dhu bhěyi ní ndi, atdíku ù̀bho nga ò̀, awáẁu-kud̀ò tó atdí nga ìbhu d̄ náav̀ε, kù̀bhingá nga tó ràd̀u à̀v̀ε ndi dhu bhěyi tí át̀ò.

¹³ Ndir̀ò, ma mandà nga tdít̀d̄, ní ma mala atdí sàmbà ò̀r̀ú nyú ráng̀ilì awε ò̀ r̀ó. Ní kãmbénà dhu ò̀v̀ò d̄ ò̀r̀ú t̀una nyú nà, ndà̀tì: «Nyí nyí'ì à̀pb̀è ò̀! Nyí nyí'ì à̀pb̀è ò̀! Nyí nyí'ì à̀pb̀è ò̀ yà adzi ó̀v̀ò nyí r̀ò, yà ìbhu ì ǹù̀bhà ngũ̀kpà màlàyíkà r̀ũ̀m̀ina tdít̀d̄ wàndà-tù ì̀r̀ì nyí nyí r̀ò!»

9

(Zèk 5.5-11; Ỳòw 2.1-11; Upf 16.10-16)

¹ Wò dhu-dzid̄, imbo rí kisé màlàyikà náamì p̀b̀ndà wàndà. Ní ma mala ò̀r̀u-akpà ò̀ r̀ò ìtsì atdí alalì yà adzi d̄. Kà-f̀ò ka kabh̀u ò̀yí tí kátina ádzí ìbhu-akpà-t̀s̀u t'ápfota tó f̀ung̀ulà. ² Ní, ndi alalì náapfo ndi ìbhu-akpà-t̀s̀u, ádr̀ungbã furu ò̀ r̀ò ráhu ìko bhěyi ndi ǹlì ìko ràd̀u ù̀po ndi ìbhu ò̀ r̀ò. Ndi ìko náabh̀u adyif̀ò-nyí̀kp̀ó d̄ nga mà ò̀r̀u-akpà-nyí r̀ò nga mà̀nà r̀ù̀t̀ì. ³ Ní íf̀è núuvò ndi ìko ò̀ r̀ò, 'àd̀u 'ífalà yà adzi d̄. Ní ka kabh̀u yà áẁina n̄ arí ìndr̀ũ ù̀b̄ì à̀ẁũ-tid̀ò bhà ò̀b̄i-tid̀ò abád̀hí t̀ò. ⁴ Ka kad̀u dhu ò̀v̀ò abád̀hí t̀ò ì̀nz̄ abád̀hí r̀nza ì̀ngbàtì ìlì ndi

írí-bí-tidò mà, itsu-tidò mà, ndirò ìnga tí arí ìnga dhu-tidò màna, pbétù abádhí rǎvu ìmbǎ rí Kàgàwà bhà kàsé nà nyiya-ndrinǎ ale rǒ tí. ⁵ I ífè tò ka kuyá dhu ní, àpé abádhí rǒkye i ale òkye tí, pbétù abádhí rǎkǎ 'àvu àvǔ tí i ale rǒ, rǎrà àhu ìmbò àbǐ tí. Ndirò, abádhí rǎbhǔna ìndrǔ rìnè rǒyá rándi dhu, náaraya ìì rǒ àdhàdhì áwìna nǐ arí ìndrǔ ùbǐ àwǔ-tidò nóbì ale arí ìnèna rǒnǎ rándi ró dhu bhèyi. ⁶ Ndirò ndi idho ǒ, ìndrǔ owuya ɔve ònè rǒ fǐyò, pbétù ìnzǐ 'àdù àbàna. Abádhí owuya 'òzè rǒ 'àve, pbétù ɔve rǎdù òku tí òku tsùyá rò.

⁷ I ífè tó ófò níì ìdhàdhì ìla t'úgyeta tò ka kònzǎ tǒrǒna mùhàgù bhèyi. Abádhí dò-tsíró ìì dhu ní ɔrò tó mùkákú nà ndi nòfò dhu, ndirò abádhí-nyì afò ndi ìndrǔ-nyì nà. ⁸ Abádhí-dòkǎ ìì vèbhále-dòkǎ bhèyi, kúya rǎdù ìì àrì-kù bhèyi. ⁹ Ndirò, abádhí-odrùdɔ dǒ ìì làtú ní sùma tó làtú. Ndirò, abádhí-pékélé rǒnzina wògò níì ìdhàdhì ìla ùgyè ka kótse nà ábhǒ mùhàgù rǎdhana gèrègèrè-tidò tó wògò bhèyi. ¹⁰ Abádhí-áwì níì ìdhàdhì yà áwìna nǐ arí ìndrǔ ùbǐ àwǔ-tidò-áwì bhèyi. Abádhí tó ɔbi, yà abádhí rǎvu nǐ ìndrǔ-rǒ ìmbò àbǐ tí, níì i abádhí-áwì ò. ¹¹ Ndirò, abádhí tó ádrùngbǎ kamà níì òyǐ ǒ màlàyikǎ. Pàèbrànìyà t'ávana ǒ, kǒvò níì Àbàdoni. Ndirò Pbagiríkí t'ávana ǒ, ka níì Àpòliyonì*.

¹² Wò wemberè tó àpbè ùdà wà. Ndirò olù rí 'ìpe tǎítǎ ní óyǒ ngǔkpa àpbè.

¹³ Ní, aza rí kisé màlàyikǎ náamì pbinǎ wàndà, madù atdí ale-tù ìrì, rìtò ndi yà Kàgàwà-ònzǐ ríì ɔrò tó màzàbahù tó ìfò pbinàdɔ ònǎ rǒ. ¹⁴ Ndi ale-tù avò dhu wò aza rí kisé màlàyikǎ, ndàdù ìì wàndà nà fónǎ

* 9:11 9:11 Àpòliyonì-tì ní Dhu-tsè òtdì arí ale.

tò, ndàti: «Ékòlò Fùrati tó idha-akpà-bidò ka kúsò ìfò màlàyíká.» ¹⁵ Ní kǎdù ì màlàyíká ùkòlò, ndíní yà adzi óvò alé tó atdí nga ìbhù dǒ nokyé tí. Kàgàwà uli abádhi angyangyi ndi okyeta tó adyifò-sisì tò, idho tò, àbí tò ndirò ato tò. ¹⁶ Ma miri mùhàgù dǒ arúbhi abádhi tó pbànowí tó mùtù-bvù. Abádhi-bvù ní'ì óyò miyà milliyoni alé. ¹⁷ Ndirò, wò onyù bhèyi ródzi dùdù dhu ò, ma mala ì mùhàgù mà dòyá ùpò 'òkò pbànowí mànà. I pbànowí tó làtù ní'ì kàzù bhèyi ìlù làtù. Ndirò, ngùkpà tó làtù ní'ì kenekè tó ndirò áwùse tó. I mùhàgù-dò núuli ì àrì-dò bhèyi. Ndirò, abádhi-li'ò rò ambénà àhù dǒ dhu ní kàzù mà, ikò mà, atdí dǒ arúla ògbe ndógbe rò áwùse tó dhu-ra mànà. ¹⁸ Ndirò, kǒkò ìbhù àpè, kǒkò mùhàgù-li'ò rò rúvò kàzù mà, ikò mà, atdí dǒ arúla ògbe ndógbe rò áwùse tó dhu-ra mànà náakyè yà adzi óvò alé tó atdí nga ìbhù dǒ. ¹⁹ Obhó tí, kǒkò ì mùhàgù tó ádrùngbànga tó obi ní'ì abádhi-li'ò ndirò abádhi-áwì ò. Abádhi-áwì ní'ì àdhàdhì osu-dò bhèyi, 'àdù òwu nzére dhu ònzì rǒ indrù rǒ ì áwìya ní.

²⁰ Ì nùbhà ìnzì 'ùve kǒkò àpè ní alé nùugèrè nzá ì 'ùbhà yà otsúya nyú ní ì óbhòlò sànamù t'úlétá. Abádhi akò 'òngò àmbé nzére-alafí mà ì sànamù mànà ùle dǒ. I sànamù abádhi abhòlò orò mà, fùrangà tí kátina sùmatidò mà, mùlingà mà, odu mà, ndirò itsu mà ní. I dhu-tsi ní'ì ìnzì rí ìnga mà àlǎ, ìnzì rí ìnga mà ìri, ndirò ìnzì rí ùbhí tí màtí ùbhi dhu. ²¹ Ndirò, abádhi ugèrè nzá ì 'ùbhà ìndrù t'ókya mà, òndrù t'òndrùta mà, mùnyòni t'ònzita mà, ogo t'ònzita mànà tó fíyó nzére mùtso.

10

Yùwanì rí kàràtasí-ngba ákò màlàyíkà-fó rò ndàdù

ùkanà, ndòtò dhu

(Zèk 2.8-3.3)

¹ Wò dhu-dzidõ, ma mala ádrùngbãnga tó obi nà ngãtsi màlàyikà òrù-akpà ò rò rifo ró. Kí'ì àpbù ìbvù ndì dóná, angò-sisì ràdù ndàkpòrò dóna rã ró. Kà-nyè ambénà ùmbìli dõ adyifò-nyìkpa náarùmbìli dhu bhèyi. Ndirò, kà-pfò níli ndì kàzu tó átsùta bhèyi. ² Kí'ì àngá ka kànga ònánga kàràtasì-ngba nà fóná. Ní, kíde ndìli fangà tó pfóna ádrùngbã rèrù dõ, ndàdù ígù tó pfóna ìli adzi-kpa dõ. ³ Kádù òkù orú tūna nyú nà àdhàdhì àri rí tūna-õnga ìdho dhu bhèyi. Ndirò, kòkù rò, ma miri àrùbhù oròrò àtà dhu nádu kà tò dhu. ⁴ Ndirò, i àrùbhù oròrò àtà dhu níitdègu ndìri, ní ma madù mòbhòlò abádhí ùnò dhu t'ándítá tò. Pbétù, ma miri atdí ale-tù òrù-akpà ò rò rí dhu òvò idù ró, ndàti: «Ódò kòkò àrùbhù oròrò núnò ìndù dhu òdhù ò. Àpé nyandí ka.»

⁵ Ní, wò ma màlanà ádrùngbã rèrù mà, adzi-kpa mànà dõ idè ró màlàyikà náava fangà tó otsúna òrù-akpà ò. ⁶ Kádù dhu òtsò Kàgàwà, yà dhòdhóhonganà arí'ì ale, yà òrù-akpà mà, adzi mà, ádrùngbã rèrù mà, òyá arí'ì kóró dhu-tsí mànà nanzì ale-orò rã, ndàti: «Ìmbã ndì nùbhà kàsùmì rí'ì tdítdõ! ⁷ Àrùbhù rí kisè màlàyikà rí wàndà òmì òná kàsùmì ò, Kàgàwà rí yà ndì ndarù róngò òko orù ò dhu àbhù ràkã, àdhàdhì pbìndà ìnc-akpá, pbànábí-otù ò ndì ndavò Ídzì Màkùrù-bvu rã.»

⁸ Wò dhu-dzidõ, ma miri yà òrù-akpà ò rò dhu nòvònà idù ale-tù, ròvò dhu tdítdõ idù, ndàti: «Àrà nyakò wò àngbè ka kàngbè rórò rí'ì kàràtasì-ngba yà ka nàlù fóná màlàyikà-fó ró. Ka ní yà ìdèdè ndìli atdí pfóna ádrùngbã rèrù dõ, ndàdù ngãtsi pfóna ìli adzi-kpa dõ màlàyikà.»

⁹ Ní, ma madù àrà ndì màlàyikà-tí'ò, madù kònzì rìbhò ndì kàràtasì-ngba fudu ò. Ní, kádù dhu òvò idù, ndàti:

«Ákǎ ka, nyadù ùkanà, nyɔ̀tò. Kà rǒgyè ògyè finu-tsù ò, pbétù linù kà rǒkye iti-dha bhěyi.»

¹⁰ Ní, ma makò wòrí kàràtasǎ-ngba ndi màlàyikà-fó rò, madù ùka nà. Ní, kǎkyè lidú, rò'ò iti-dha bhěyi. Pbétù, ma mitdègu kòtò, ní kǎdù ògyè tí ògyè fidu-tsù ò.

¹¹ Ní, ka kavò dhu idù, kati: «Dhu àkǎ nyɔ̀vò dhu tdítǎdǎ nabì bhěyi ábhǎ ale-tidò mà, ábhǎ pbìrì ǎ ale mà, dhèdhèrò aláva-tidò tó ábhǎ ale mà, ndirò ábhǎ ádròdrǎ kámá màna-okú dò rò.»

11

Kàgàwà arí pbìkì ngàmbi àbhù rùvò àpbè ò rò tí dhu
(Uvt 7-10; 1Ká 17.1; Luk 21.24)

¹ Wò dhu-dzidǎ, ka kibho dhu ùdhě ka karí nǎ itsukpó bhěyi ndi nǎli ízò fudú, kadù àtìna ima nǎ: «Íva nyi, nyudhe* Kàgàwà bhà idza mà màzàbahù màna, nyadù ányì-dzá rò arí Kàgàwà ùlě ale-bvu nózù. ² Pbétù, wò irinǎ rò rí'ì kà tò odhó náká nyubhà ìnzǎ nyudhe. Obhó tí, wò ndi-tsí ka kàbhù wà yà inzà àpè Kàgàwà ùnǎ ale, kǎkà ìfo kumì dóná óyǎ nà àbǐ† tí rí ìlǎ kigò-tsidò‡ òbè ale tò. ³ Ndirò, ma mí óyǎ pbàkà ngàmbi§ òvì ròwù dhu òvò ìndrù tò, gòníyà ì ùfǎ ròyá ìnyì tó mberù tí rórò. Ní, abádhí rǎ dhu òvò ìndrù tò pbànábí bhěyi ràrà àhù

* 11:1 11.1 Udheta-tì ní Kàgàwà rǎrǎ pbìndà ale-ngbò òdò (Zǎk 2.5-9; 4). † 11:2 11.2 ìfo kumì dóná óyǎ nà àbǐ ní atdí dhu kèlě ìbhù atò dóná gòna nà nà. Atdídhená ale arí ìrèna dhu ní, ìfo kumì dóná óyǎ nà àbǐ tí ka kátina dhu-tì rǎrǎ Kàgàwà rótdì wà pbìndà ale abáya àpbè òná idho-bvu idǎ. ‡ 11:2 11.2 ìlǎ kigò tí ka kátina ìrò ní Yèrùsàlemà tó kigò. Ndirò ndi kigò itè ní Kàgàwà bhà ale. § 11:3 11.3 óyǎ ngàmbi tí ka kátina ìrò ní Yèsù ná'ù ale tó mùtù, àdhàdhì Músà mà Èliyà màna tó ófò ǎ.

atdí lufù, dòná óyǒ miyà, dòná azà kumì nà idho* tí.»
 4 Kǒkò ì óyǒ ngàm̀bì ní ì kǒkò óyǒ mìzèyìtunì-tsù-kpa*,
 ndirò abádhí ní ì tarà ùlǐ ka karí d̀òyá mùnarà*, kàkà yà
 adzi ǒ Ádr̀̀ngbǎle-ònzǐ aríko alɛ. 5 Ndirò, ndi alɛ apé
 ndòzè nd̀onzi abádhí nzéɛ, ní kàzu rǎdù àhu abádhí-
 li'è rò, rǎdù ì abádhí tó òmvù nùbì*. Ndi dhu bhèyi tí ní
 ndi, ìngbàtí ìli ndi alɛ mà yà abádhí nòzè nd̀onzi nzéɛ
 ní rǎdù òvè. 6 Ndirò, abádhí rǐ'ì inè ádr̀̀ngbǎnga tó obi
 nà, 'ùtsì òr̀̀-akpà-tsù*, ìnzǐ igye níikó tí yà ìndr̀̀ tó
 abádhí rǐ dhu òvo pbànábí bhèyi òná kàsùmì ǒ. Abádhí
 rǐ'ì inè ádr̀̀ngbǎnga tó obi nà átò, 'ùgèrè idha r̀̀ngò azu
 tí*, 'àdù ìngbàtí ìli ndi àpbè-tidò mà nábhu yà adzi ǒ
 alɛ ràbà, ì òzè ka dhu bhèyi.

7 Abádhí rǐ wò ìndr̀̀ tó ì aróvona pbànábí bhèyi dhu
 t'óvota ìto rò, òyì ò rò ráhu ìzǎ† núugyeya ìla abádhí nà.
 Kǒnziya abádhí-lèmà, ndàdù abádhí òkyè. 8 Ní, abádhí-
 avò nóokoya ádr̀̀ngbǎ kigò, yà abádhí tó Ádr̀̀ngbǎle
 ka kutó mùsàlabhà d̀ò òná kigò tó ngudhà ǒ. Ndi kigò
 ní ndi ka karí ìpbèna kanzi Sòdomò* tí, ndirò ngàtsi nǐ
 Mísri* tí. 9 Ní, ìngbàtí ìli ndi alɛ-tidò nzínzi ǒ alɛ mà,
 ìngbàtí ìli ndi r̀̀gànda-tidò nzínzi ǒ alɛ mà, ìngbàtí ìli
 ndi aláwà-tidò t'ále nzínzi ǒ alɛ mà, ìngbàtí ìli ndi p̀biri

* 11:3 11.3 Atdí lufù, dòná óyǒ miyà, dòná azà kumì nà idho
 ní atdí dhu kèlè wò 11.2 ò rǐ'ì ìfo kumì dòná óyǒ nà
 àbì nà. * 11:4 11.4 Zàk 4.3,11-14 * 11:4 11.4 Zàk 4.2; Upf 1.12,20

* 11:5 11.5 2Ká 1.9-10 * 11:6 11.6 1Ká 17.1 * 11:6 11.6 Uvt 7.17-21

† 11:7 11.7 Òyì ò rò ráhu ìzǎ àtì atdídhená alɛ arí Krístò
 bhà òmvù tí: 1Yù 2.18. Ngùkpà alɛ arí kàtì Dànyelè tó
 bhùkù ò ka kítè ìzǎ tí: Dàn 7.7,23-27. Ngùkpà alɛ-tsi arí
 kàtì yà adzi ǒ alɛ nùnda arí Kàgàwà nà arí ndùgye f̀yó
 nzéɛ irèta nǐ alɛ tí. * 11:8 11.8 ǒpt 18.20-19.29 * 11:8 11.8

Uvt 1.8-14

ǒ ale nzínzi ǒ ale mànà náandáya kòrí abvo ìbhũ idho dòná gòna nà tí[‡], ndirò abádhí a'uya nzí kutdũ i abvo. ¹⁰ Kǒkò i yà adzi óvò ale-idhè níikaya ndì ìkǎ tí abádhí ùve dhu-okú dò rò. † ale-idhè níikaya ndì, 'àdù àmbe pèrè mà núbho dǒ fíyò nzínziya ǒ, atdíǒ nyú kòrí óyǒ pbànábí náabhù ì 'àbà àpè nídhuní. ¹¹ Kòrí ìbhũ idho dòná gòna nà dzidǒ, Kàgàwà bhà rò ìrà ípìrǒnga tó ale-ìhè náatsù abádhí-abvò ò, abádhí ràdù 'ìvà, 'ìkò pǒya dǒ. Nírò ní ndì ádrùngbǎ odo níisí abádhí àndà rǒ rúbhi ale ò. ¹² Ndirò, kǒkò i óyǒ pbànábí níirí orú-tùna nà rí dhu òvò fíyò òrù-akpà ò rò ale-tù, ndàti: «Nyùpò àzú!» Ní abádhí upò òrù-akpà ò àpù ǒ, àzèmbè kǒkò i abádhí tó òmvù rǎndàna rǒrò. ¹³ Wò ndì kàsùmì ǒ tí, ádrùngbǎ mùtiti níisí, kíǒ tó atdínga idrè dǒ ràdù ndùgòlò. Àrùbhù lufù ale náadù ùve wò ndì mùtiti ǒ. Ní ádrùngbǎ odo nyú níisí òdòdì ale-go ò, ràdù Kàgàwà, yà òrù-akpà ò arí'ì ale nílè.

¹⁴ Dhu ìnzǎ rí oyo rí kisé dhu núdà wà, ndirò ìbhũ rí kisé rí nzí àpèrè, ìnzá ndì ndìtò ndì rórò!

Àrùbhù rí kisé wàndà rǒngò dhu

(Zàb 98; Upf 12.10; 19.6)

¹⁵ Wò dhu-dzidǒ, àrùbhù rí kisé màlàyikà náamì pbìndà wàndà. Ní ábhǒ ale náavò dhu orú tǔya nyú nà òrù-akpà ò rò, 'àti:

«Kòmbí yà adzi ǒ idzi núdà wà atdíǒ àlè tó Ádrùngbǎle

Kàgàwà mà-fò ò, yà kùtri fíndà ale, Krístò mànà.

Ní, ndì idzi rádi dhòdhóhónganà!» ¹⁶ Ndirò óyǒ kumì

dòná ìfo nà pbàkùrù, yà fíyò kámá tó tombi dǒ

‡ 11:9 11.9 Atdídhéná ale arí ìrèna dhu ní, ìbhũ idho dòná gòna nà tí ka kátina dhu-tì rǎrǎ Kàgàwà rǒtdì wà pbìndà ale-abvò onziya ngudhà ǒ idho-bvũ ídò, ìnzí tsànzá nǒnzi tí dhu.

aróko Kàgàwà-ònzǐ, núugú ì, nyíya ràpǒ adzikpa-
ngbò nyú, 'ùlě Kàgàwà. ¹⁷ Abádhí ambénà àtìna
dǒ:

«Mǎ màbhù òtsò indù, fáká Ádrùngbǎle Kàgàwà, yà
ádrùngbǎnga tó obi nà arí'ì kóró dhu dǒ alé!

Nyi nyarí'ì inè, ndirò nyi nyi'ì inè.

Obhó tí, nyi nyónzì kasu pbùkù ádrùngbǎnga tó obi nǐ,
nyidì pbùkù Idzi.

¹⁸ Ìnzǐ arí nyifǔ alé ní'ì nàwí nà rùnù,

pbétù kòmbí, pbùkù nàwí nítè ndi ndi abádhí-rǒ.

Ndi kàsùmì ní, yà ùvǔvè alé-ànyǎ ìtdì nyi nyí òná
kàsùmì.

Ndirò ka ní, yà indù kasu nanzì alé, pbùkù pbànábí mà,
kóró ngǔkpà alé kǎkà òvònu ìfǔ arí mànà tò nyi
nyí mùkìmbà ùbhǒ òná kàsùmì,

ìmbǎ rì'ì indrǔ arí ìfǔna alé màtí, ndirò ìnzǐ indrǔ arí
ìfǔna alé màtí.

Ndi kàsùmì ní kǎkà yà adzi ìnzǎ arí alé-tse òtdì nyi nyí
òná kàsùmì!»

¹⁹ Wò dhu-dzidǒ, yà òrù-akpà ò arí'ì Kàgàwà bhà idza-
li'ò náapfo ndi, Kàgàwà mànà indrǔ ùngbò ì dhu ìtè rí
Sàndukù ràdù ndàla òná. Ní inga núumbìlì, alé-tù mà,
òvò rǔtǎ dhu mànà ràdù 'rì. Ndirò, yà adzi níivì, ìfo
ràdù ìkǒ atdídǒ.

12

Kàgàwà rǐ òna nà tsìbhále* òdò ádrùngbǎ osu-akpà-
ba rǒ rò dhu

(*Ọpt 3.15; Dàn 12.1; Luk 10.18; 1PÉ 5.8; Upf 2.26-27*)

* 12: 12.0 Tsìbhále tí ka kátìna ìró alé ní nzǐ Màriyà, Yèsù
tsànà, pbétù kà rǐtèna ní Pbàìsràyélì, Kàgàwà bhà alé, yà
Yèsù Màsiyà ahù nyuyatsì rò alé (Ọpt 3.14-16; Ìsa 54.1-8;
66.7-8).

¹ Wò dhu-dzidǒ, ádrùngbǎ ize náavi ndì òrù-akpà ò. Ndi ize ní'ì adyifò nàfǒ róná mberù bhěyi atdí tsìbhále, àbì ràdù ì'ì pfǒna-tsinǎ. Ndirò kà-dò rǒ ì'ì mùkàkú ní atdí kumì dóná óyǒ nà alalì rǐ'ì róná mùkàkú*. ² Wò ndì tsìbhále ní'ì ari nà. Ní, kǎmbénà ùkù dǒ, ndùgu ndì ndí rǒ, ndì ndí àpè àbà dhu-okú dǒ rǒ.

³ Wò dhu-dzidǒ, ngǎtsi ize náavi ndì òrù-akpà ò. Ndi dhu ní'ì kàzu bhěyi ilù ádrùngbǎ osu-akpà-ba. Ndi osu-akpà-ba-dò ì'ì àrùbhù, òtdyúna ràdù ì'ì idre. I àrùbhù kà-dò rǒ, mùkàkú ní'ì atdátí. ⁴ Ní, kǐdhá òrù-akpà rǒ alalì tó atdínga ìbhu dǒ áwina nǐ, ndìvò yà adzi dǒ. Ní wò osu níidè, wò ìkyèrǒ òdì ndíní ndì ndugu tí ndì tsìbhále-ònzǐ, ndíní ndì ndòtona tí kà rǔguna ngbángba ányǐrǒ rǒ tí. ⁵ Ní wò ndì tsìbhále nùgu kpatsìbhá ngbángba, yà kóró pberì ǒ ale ùndà* róngo tsumà tó mùgǒ† nǐ ngbángba. Pbetù, ka kadù ndì kàbhà ìngba òdyì, kowù nà Kàgàwà-tí'ò, yà ndì Kàgàwà bhà ádrùngbǎ kamà tó tombi-tí'ò. ⁶ Ndirò, wò ndì tsìbhále adù òku rùngù‡ ò, yà Kàgàwà óbhòlò angyangyi fíndà ngari ò, ndíní ka kòdò tí ndì mběyi ányì, ràrà àhu atdí lufù, óyǒ miyà dóná azà kumì nà idho tí*.

⁷ Ní, ìla níitsi òrù-akpà ò, ádrùngbǎ màlàyikà Mùkǎli mà pberìndà màlàyíkà mànà rùgyè ì wò ndì osu-akpà-ba mà pberìndà màlàyíkà§ mànà nà. Ní wò ndì osu mà pberìndà

* 12:1 12.1 òpt 37.9 * 12:5 12.5 Zàb 2.9 † 12:5 12.5 suma tó mùgǒ nǐ ní ndì tàrà ùndà arí ale nóngónà fìyó tàrà-ngbò òdò. ‡ 12:6 12.6 Rùngù ní òmvù-tsù rǒ ka karí òtse, kowù ale ùrù ònà ngari (Uvt 2.15; 16). Ndirò ka ní átò nzére dhu arí'ì ònà ngari (Màt 4.23). * 12:6 12.6 11.2,3 § 12:7 12.7 Osu-akpà-ba bhà màlàyíkà ní nzére màlàyíkà. Ndirò nzére-alafí tí ka karí àtina ní abádhí kèlě átò.

màlàyíká mànà núugye ì átò abádíhí mànà. ⁸ Pbé̀tù kǎnzì nzá dhu lè̀mà, ndírò ngari adù ìí mbǎ abádíhí tò tdítǎ òrù-akpà ò, pbìndà màlàyíká mànà. ⁹ Ní, ka kibvu wò ndi ádrùngbǎ osu-akpà-ba obvò. Àbadhi ní ndi yà mùhàngú ò rò ìí osu*, yà Nzé̀re Ale tí, ndírò ngǎtsi nǐ Pfòmvo tí ka karánzina, yà adzi ò kóró ale ùtrǎ arí Ale. Ní ka kibvu ka yà adzi ò pbìndà màlàyíká mànà.

¹⁰ Wò dhu-dzidò, ma miri ɔrú tǔna nyú nà rí dhu òvo òrù-akpà ò rò ale-tù, ràmbe àtìnà dǎ: «Kòmbí ògù mà, ádrùngbǎnga tó ɔbi mà, àlě tó ádrùngbǎ kamà Kàgàwà bhà idzi mà, yà kǔtri fǐndà ale, Krístò bhà ádrùngbǎnga mànà níwú wà ùvò! Obhó tí, wò àlě t'ádóna òbhù rǎ arúbhi kúbhingá màtí ndírò adyíbhengá màtí àlě tó Kàgàwà-ònzì ale, ka kibvù wà òrù-akpà ò rò. ¹¹ Ì àlě t'ádóna ónzì kà lè̀mà Tàmǎ-ngba-azù-ɔbì nǐ, ndírò, abádíhí ónzì kà lè̀mà, yà ì aróvona ìndrù tò Kàgàwà bhà ɔte nǐ. Abádíhí náadzi fíyó ípìrǒnga, rǎrà àhu ì úve dhu ò màtí. ¹² Wò dhu-okú dò rò ní ndi ìnyì òrù-akpǎ, yà ùnú aróko ale mànà kóró, nyǐ nyákǎ nyílè nyǐ! Pbé̀tù nyǐ yà adzi ò ndírò rèrù ò nyǐ nyáróko rò, nyǐ nyíí àpbè ò, wò ndi Pfòmvo nófò wà dükù nídhunǐ. Ndirò, kàlè àlè tí nàwí nǐ, kùni dhu yà fǐndà ndi nùbhà kàsúmǐ-ngba rǎrǐí akèkpá nídhunǐ.»

¹³ Wò ndi osu-akpà-ba níitdègu ndi ka kibvù yà adzi ò dhu àlǎ, ní kǎdù ndòpè, ndòné yà kpatsìbhá ngbángba nugu tsìbhále, ndíní ndi ndònzì tí nzé̀re. ¹⁴ Pbé̀tù, ka kǎdù sàmbà-pékélé nà ndi nòfò óyǎ pékéléna àbhu wò ndi tsìbhále tò, ndíní kǎdù tí ndòbè nǐ, ndàrà rùngù ò yà fǐndà ka kabhòlò itse wò ndi osu-akpà-ba rǎ rò ngari ò. Ányì ka kǎdò ka mbèyi nyú, rǎrà àhu ìbhu ato

* 12:9 12:9 ɔpt 3.1

dóná gòna nà* nà tí. ¹⁵ Ní, wò ndi osu-akpà-ba náadyo idha abho nyú lina ò rò, rìli ndi bhùna ò rókù idha-akpà bhëyi ndi tsìbhále-owù ò, ndíní íyàdhíyà natdú tí ndàrà nà. ¹⁶ Pbéttù, adzi-kpa adù ndi wò tsìbhále dzùná ònzì: kängbe lina'ò, ndòtò wò ndi osu-akpà-ba àdyo lina ò rò idha-akpà. ¹⁷ Ní, wò osu-akpà-ba náakó atdídò wò tsìbhále rò, ndàdù àrà ìla ònzì kàbhà ngùkpà inzo mànà. í ale ní kàkà Kàgàwà bhà Úyátá ífù arí ale, 'àdù yà Yèsù unò fíyò dhu nífù ale. ¹⁸ Nírò ní ndi wò ndi osu-akpà-ba naadù àrà ide ádrùngbã rèrù-bidò ɔsɔkpó dǒ.

13

Osu-akpà-ba tò rí kasù ònzì nzéɛ óyò ìzǎ
(Dàn 7.19-25; Upf 14.9-11; 17.3,7-17; 19.20)

¹ Wò dhu-dzidò ma mala atdí ìzǎ, ádrùngbã rèrù ò rò ráhù ró. Kà-dò ì'ì àrùbhù, ɔtdyùna ràdù ì'ì idre. Ndirò kóró ì kòtdyù rò mùkàkù ní'ì inè, ndirò ì àrùbhù kà-dò rò, ka kundí ɔɔ ní'ì Kàgàwà nǐ ka kí dhu unò nzéɛ òná ɔɔ. ² Wò ndi ma mala ìzǎ níli ndi atdáta bhëyi. Kà-pfò mà, kà-pfò-ɔdzèkélé mànà ní'ì tsamangèrè bhà bhëyi. Ndirò kà-tsù náadù ndili àrì-tsù bhëyi. Ní osu-akpà-ba náabhù pbìndà ádrùngbãnga tó ɔbi mà, pbìndà ádrùngbã kamà tó tombi mà, pbìndà ádrùngbãnga mànà-ròrò kà tò. ³ Wò ndi ìzǎ-dò nzínzi ò, atdí ale-dò náambénà òlo dǒ ɔve-ngbò rò otú nàbà dhu bhëyi, pbétù ndi otú náadù ɔgù ògù tí. Ní idho núuko yà adzi óvò ale atdídò kóró ndi ìzǎ-okú dò rò, 'àdù kòwù núngu. ⁴ Ní abádhí ukò ì ɔtdyùya dǒ, 'ùlè wò osu-akpà-ba, pbìndà ádrùngbãnga tó ɔbi-ròrò kàbhù wò ndi ìzǎ

* ^{12:14} 12.14 ìbhù atò dóná gòna nà ní atdí dhu kèlè atdí lufù, óyò miyà dóná azà kumì idho nà nà (12.6).

tò dhu-okú dò rò. Abádhí nùuko ì 'ùlě ka, 'ámbe àtìna dǒ: «Ádhi pbá ale ndi yàrí ìzǎ bhěyi pbìndà obi rǐrǐ? Ádhi pbá ale ndi ndùgyè rádù kà nà, ndàdù kà lè mà ònzì?»

⁵ Ní, wò ìzǎ tò ka kabhù ale-tsù ní ale ìdzǐ ka kǐ nǐ ɔte t'óteta mà, Kàgàwà nǐ ka kǐ dhu ùnɔ nǐ mànà tó ale-tsù. Ndirò kǎdù ìfɔ kumì dòná óyǒ nà àbǐ* tí ndi ndi wò kasu ònzì nǐ ádrùngbǎnga tó obi nába. ⁶ Ní wòrǐ ìzǎ náapè ndùnò dhu Kàgàwà nǐ: ndùnò dhu kǒvò nǐ, ndùnò dhu kǎrádi róngá nǐ, ndàdù dhu ùnò òrù-akpà ò aróko ngùkpà ale nǐ átò. ⁷ Ka kufá rusà kà tò ndínǐ ìla nugye tí Kàgàwà bhà ale mànà, ndònzì lè màya. Ndirò, ka kabhù ka rǐrǐ ádrùngbǎnga tó obi nà ìngbàtǐ ìli ndi rùgànda-tidò dǒ, ìngbàtǐ ìli ndi ale-tidò dǒ, ìngbàtǐ ìli ndi aláva-tidò dǒ, ndirò ìngbàtǐ ìli ndi pbirì dǒ. ⁸ Yà adzi óvò ale kóró nùuléya ka. I ale ní, kóró ale kǎkà, yà adzi ka kanzina rò, ìnzá ka kandí ɔvòya yà àho ka kahò Tàmǎ-ngba tí kátina ale bhà ìpirǒnga tó bhùkù ò ale.

⁹ Inga t'írìta tó bǐna nà arǐrǐ ale, náká ndirò nga mběyi! ¹⁰ Nyǐ Kàgàwà bhà alé, nyǐ nyàkǎ nyǐrǐ dhu-dzi òndù arǐ ale tí, ndirò fǐyó a'uta òdò arǐ ale tí. Kàgàwà ì'iya gukyè imbi ò ka kosóya tí atdí ale nudhé dhu tí, ní ka kosóya ndi ale imbi ò. Ndirò, kǐ'iya gukyè ìla t'úgyeta tó obhi-akpà nǐ ka kohoya tí atdí ale nudhé dhu tí, ní ka kohoya ndi ale obhi-akpà nǐ.

¹¹ Wò dhu-dzidǒ, ma mala ɔyɔ rǐ kǐsě ìzǎ, adzi ò rò ráhu ró. Kǒtdyú ìrǐ ɔyɔ, ì ɔtdyúna ràdù 'ùli tàmǎ-ngba-ɔtdyú bhěyi. Ndirò kǎránà ɔte rǒ osu-akpà-ba bhěyi.

¹² Kǎránà kasu ònzì rǒ yà angyinǎ rò ìrǐ fǐndà ìzǎ-fó ndi

* 13:5 13.5 Atdídhéná ale arǐ ìrèna dhu ní, ìfɔ kumì dòná óyǒ nà àbǐ tí ka kátina dhu-tì ràrǐ Kàgàwà rǒtdì wà wò ìzǎ rǐ kǒkò dhu ònzì òná ìdho-bvu ìdǒ.

Upfòta tó bhùkù 13:13 36 Upfòta tó bhùkù 13:18

ndábà ádrùngbǎnga tó obi nǐ kóró ndi ìzǎ-ònzǐ. Kǎránà yà adzi mà òná aróko ndi ndòvò ale màná nábhu rǒ rùlě wò ndi wemberè tó ìzǎ, yà ndi natsú ndòhò otú-bhu rǐrǐ dóna rǒ ìzǎ. ¹³ Wò ndi ɔyo rí kisě ìzǎ, náanzì ádròdrǒ wiwì. Obhó tí, kǎránà kàzù mà nábhu rǒ rìfò òrù-akpà ò rò, rìrà àhu yà adzi dǒ kóró ale-nyìkpó ǒ rò. ¹⁴ Kǎbà wò wemberè tó ìzǎ-ònzǐ ndi ndi wiwì ònzì nǐ ádrùngbǎnga tó obi. Ní, kǎránà yà adzi óvò ale àbhu rǒ rùwǐ ndi wiwì-otù ǒ, ndòvò dhu abádhí tò, ndàti abádhí rāká 'òbhòlò ndi ìzǎ-wòyǒ. Ndi ìzǎ ní ndi ìla t'úgyeta tó obhi-akpà nǐ ka kalú ngbǒna ɔve-ngbò rǒ, pbétù ràdù ìkye. ¹⁵ Ndi ɔyo rí kisě ìzǎ náabà ádrùngbǎnga tó obi ní, wò wemberè tó ìzǎ-wòyǒ tò ndi ndi ípìrǒnga àbhù nǐ, ndíní ɔpé tí ndòtè, ndàdù kākà 'ùvò rí ìnzǐ 'ùko ì, 'ùlě ndi ale nókyè. ¹⁶ Ndirò wò ndi ìzǎ náadù kóró ale útù, ìndrù arí ìfùna ale mà, ìnzǐ ìndrù arí ìfùna ale màná, ònzítale mà nākùtále màná, dòyá arǐrǐ ìtírò ale mà ìno tí arǐrǐ ale màná, ndíní ka kuli tí ize fangà tó ɔtsúya rǒ màtí, ndirò ngǎtsi nǐ nyìya-ndri rǒ màtí. ¹⁷ Dhu òdzi ka kí, ndirò dhu ùdzǐ ka kí dhu tó otu nírǐ mbǎ atdí ale tó màtí, ìmbǎ ndi ale ìrǐ ndi ize nà rò. Ndi ize ní wò ndi ìzǎ-ɔvò, ndirò ndi ɔvo nà ndi nàko ɔzù-bvù†.

¹⁸ Iró dhu àkǎnà kírǐ dhu-ǒnga t'óvòta tó ìrèta nà. Ní, ìnga t'únita tó ìrèta nà arǐrǐ ale, nākà ndùpǐ wò ndi ìzǎ bhà ìmòrò. Obhó tí, ndi ìmòrò ní atdí ale-ɔvò nà ndi nàko ìmòrò. Ndirò ka ní azà miyà, azà kumì, dóná azà

† 13:17 13.17 Pbàgiríkí mà Pbàyàhúdí màná t'ávàna ǒ, kóró andítá-nyìkpó nírǐ ndi nà ndi nàko ɔzù-bvù nà. Ní atdí ale-ɔvò nà ndi nàko-tsí ka kuni tí, dhu akána kupǐ ndi ɔvo ò rǐrǐ andítá-nyìkpó-nzo nà ndi nàko ɔzù-bvù kóró, kadù àngbònà atdíkpá.

nà‡.

14

Tàmă-ngba úwɔ ale rǐ adyi-ɔwútá náyɔ dhu
(Èbr 12.22-24; Upf 7.3)

¹ Wò dhu-dzidò ma mandà nga, ní ma mala Tàmă-ngba tí kátina ale Sàyuni tó pbirì dǒ idè ró. Kǐrǐ atdíkpá atdí miyà, ìfɔ kumì, dòná ìfɔ nà lufù ale mànà, ndirò, i ale-nyindri rǒ ka kundí ɔvɔ nírǐ kǒvò mà kà t'Ábanà-ɔvò mànà. ² Ní, ma miri atdí ale-tù òrù-akpà ò rò ríra, ràmbe àwa dǒ àdhàdhì ábhǒ idhá-yà-ba rǐ ndìsɔlɔ dhu bhěyi, ndirò, atdí dǒ rúťá ɔvɔ-tù bhěyi. Ndi ale-tù níri ndi átò ràmbe ò'ò dǒ dùmù òti rí ale rǐ fíyó dùmù òti dhu bhěyi. ³ Ní kǒkò atdí miyà, ìfɔ kumì, dòná ìfɔ nà lufù ale náambénà adyi-ɔwútá ùyɔ dǒ Kàgàwà bhà ádrùngbǎ kamà tó tombi mà, ípirǒnga nà ìfɔ dhu-tsí mà, pbàkùrù mànà-ònzǐ. Atdí ale mà wò ndi adyi ùdhe rádù ndùni nírǐ ìmbǎ, ìnzá ní kǒkò atdí miyà, ìfɔ kumì dòná ìfɔ nà lufù ale, kǎkà yà adzi ǒ rò Tàmă-ngba úwɔ kèlě núdhe ka 'èni rò. ⁴ I ale ní ì nódò atdí dǒ, 'òkò ilátá ǒ Kàgàwà-nyìkpó ǒ ale, yà ìnzá ì níti vèbhále nà ì úbhi dhu-otù ǒ ale. Ndirò abádhí arúbhi Tàmă-ngba-owù ǒ, yà kà rùbhi òná kóró ngari ǒ. Obhó tí, abádhí ní i ka kùwù ngùkpà ale nzínzi ǒ rò, rǐrǐ àdhàdhì wemberè tí ka kùbhǒna Kàgàwà tò, ndirò Tàmă-ngba tò pèrè bhěyi.

‡ 13:18 13.18 Azà dhu tí kátina andítá rǐtèna dhu ní ìnzá àkǎ bhùna ǒ dhu, ndirò àrùbhù dhu tí kátina-tsí ní atdí dǒ àkǎ bhùna ǒ dhu. Ìzǎ-rǒ rǐrǐ azà miyà, azà kumì, dòná azà nà tó lìmòrɔ rǐtèna dhu ní, kà rǐrǐ ìnzá àkǎ bhùna ǒ ìrèta nà dhu, ndirò ìnzǐ kà rǐ dhu lèmà ònzǐ akèkpá màtí dhu.

⁵ Abádhí ní inzà àpè tìtò ùno atdí-gùna màtí ale, ndirò ìmbà nzéɛ dhu tí ka kózùna dhu rí'ì nyuyatsi ale.

ìbh màlàyíká rí Kàgàwà rí anya ìtdì yà adzi óvò ale dǒ dhu òvò dhu

(Kas 17.30-31; Upf 18; 19.19-20)

⁶ Wò dhu-dzidǒ, ma mala atdí màlàyikà ɔrú nyú rókɔ awɛ ǒ ró, ndàdù ì'ì yà adzi óvò ale tò ndì ndóvɔna dhòdhódhóngá tó Ídzì Mákùrù nà. † ale ní ìngbàtí ìli ndì pbirì ǒ ale mà, ìngbàtí ìli ndì rùgànda-tidò mà, ìngbàtí ìli ndì aláva-tidò t'ále mà, ndirò ìngbàtí ìli ndì ale-tidò mà. ⁷ Ní kǎmbénà dhu òvò dǒ ɔrú tǔna nyú nà, ndàmbe àtìna dǒ: «Nyí nyàkǎ nyǒnzì Kàgàwà ɔdò, nyàdù ìlènà! Obhó tí, kàbhà kàsùmì yà ìndrù-ànyà ìtdì kà rí òná nàkǎ wà. Nyí nyàkǎ nyǔlě wò ndì òrù-akpà mà, adzi mà, ádrùngbǎ rèrù mà, ìdha-dòtí-nzo mà nanzì ale!»

⁸ Ɔyɔ rí kisě màlàyikà náadù ìrà wò ndì wemberè tó-tsí dzidǒ, ndàdù òkù, ndàtì: «Íyàdhíyà ìtsì wà! Bàbelì tó ádrùngbǎ kigò* ìtsì wà! Kàbhɔ kóró pbirì ǒ ale ròmɔvù Kàgàwà bhà ádrùngbǎ nàwí tó dɛvayì, yà abádhí ndì ndábhɔ ròtsù p̀b̀ìndà mùnyònì ò dhu-otù ǒ.»

⁹ *ìbh* rí kisě màlàyikà níra kǒkò angyi iwù ɔyǒ màlàyíká dzidǒ. Ní, kǎvò dhu ɔrú tǔna nyú nà, ndàtì: «Ìngbàtí ìli ndì ale yà wòyòna ka kóbhòlò ìzǎ mà ndì kà-wòyǒ mà ùlě rí, kadù ndì ìzǎ bhà ize àpba nyìna-ndri rǒ màtí ndirò ngàtsi nǐ ɔtsùna rǒ màtí ale, ¹⁰ ní rí Kàgàwà bhà ádrùngbǎ nàwí tó dɛvayì nómɔvù átò. Obhó tí, ndì dɛvayì ka kàbhòlò ìnzǐ kisǐ ìdha ònà, kadù òdhònà kàbhà

* ^{14:8} 14.8 Bàbelì tó kigò rítèna dhu ní Kàgàwà nà rí ndùgye ádrùngbǎnga-tidò kóró. Atdí ndì ófò ní'ì Rómà tó kigò (Upf 17-18).

nàwí tó kópá ò! Kǒkò dhu bhěyi ale náabáya àpbè kàzù ò, ndírò abádhí abáya ka yà atdíđǒ arúla ògbe ndógbe rò áwùse tó dhu-ra ò, ìlǐlǎ màlàyíká mà, Tàmǎ-ngba mànà-ònzǐ. ¹¹ Ndíró, wò ndi abádhí tó àpbè tó kàzù-ìkò náarúpo ɔrù dhòdhóhóngà nà. Kǒkò ndi ìzǎ mà, wòyǒna mànà núle ongónà ale, yà kǒvò tó ize ka kùpbá ròyá ale kóró, náarí nzi 'àsò atdíku màtí kúbhingá, ndírò adyíbhengá màtí àpbè ǒ rò.»

¹² Wò dhu-okú dò rò ní ndi, Kàgàwà bhà ale, kǎkà Kàgàwà bhà Ƴyátá ìfũ arí, 'àdù Yèsù à'ù ale, náká ì'ì dhu-dzi òndù arí ale tí.

¹³ Ndíró, ma mǐrì ale-tù ɔrù-akpà ò rò rí dhu òvo ró, ndàtì: «Ándí yàrí dhu: «Hirò nònzǐ ní yà kòmbí ndi nòpè rò rúve Ádrùngbǎle Yèsù ì á'ù rórò ale!» ìlǐlǎ-Alafí rǎtina: «Obhó dhu ní ndi! † ale rí 'àsò fíyó ododu kasù ǒ rò, abádhí anzi ídzi dhu nódhò wà ì, 'òwù abádhí-owù ǒ nídhunǐ.»»

Yà adzi ǒ ale-ànyǎ ìtdì ka kí dhu

(Ìsa 63.1-8; Yòw 4.12-14; Màt 13.37)

¹⁴ Ma màndà nga tdítđǒ, ní, ma mala òwǒwù àpbù, ndírò ndi àpbù dǒ ndi ndàdi ró ì'ì ale ní Ìndrù t'ídhùnà nà ndi nòfò ale†. Kà-dǒ rǒ ì'ì ní ɔrò tó mùkàkù, ndírò kà-fó ì'ì dhu ní ìnga ǒ dhu òtse ka karí nǐ atdíđǒ ndi náka obhi-tidò. ¹⁵ Ní, atdí màlàyíkà náahù ɔrù-akpà ò arí'ì Kàgàwà bhà idza ò rò, ndòkù ɔrú tǔna nyú nà ndàtì wò ndi àpbù dǒ àdi ale ní: «Ídyì pbùkù obhi, nyɔpè nyogù ìnga ǒ dhu nǐ. Obhó tí, yà adzi àdi wà tǔmbà tí, òná dhu ka kogu tí, ndírò ndi ɔnzi-bvǔ dhu ògu ka kí òná kàsùmì àkǎ wà!» ¹⁶ Ní, wò ndi àpbù dǒ àdi ale núudà pbìndà obhi yà adzi ǒ, ndòtsè kà ǒ dhu nǐ.

† 14:14 14.14 Ìndrù t'ídhùnà ní Yèsù Krístò, Màsiyà (Upf 1.13; Dàn 7.13).

¹⁷ Ngätsi màlàyikà náadù àhù òrù-akpà ò aríì Kàgàwà bhà idza ò rò, ndì mà átò ndàdù ìì inga ǒ dhu ògu ka karí nǐ ndì nakàní obhi nà fóná. ¹⁸ Ngätsi màlàyikà níì ì ádrùngbãnga tó obi nà màzàbahù-dǒ aríì kàzù dǒ*. Ní ndì-tsí náahù ndì màzàbahù dǒ rò, ndàdù òkù orú tǔna nyú nà wò atdíđǒ ndì nàkà obhi rǐì fóná màlàyikà tó. Kǎti: «Ídyì wò atdíđǒ ndì nàkà pbùkù obhi, nyazè yà adzi ǒ rǐì vǐnyò-kpǒ nǐ, iwà ndì vǐnyò-kpǒ nǒ'ò nídhunǐ.» ¹⁹ Ní, wò màlàyikà nùudà pbìndà obhi yà adzi dǒ, ndàzè yà adzi ǒ vǐnyò-kpǒ nǐ, ndàdù ndì vǐnyò-kpǒ àwà kùzǔ ka karí ònà ádrùngbã ibhu-ba ò. Kǒkò dhu kóró rǐtèna dhu ní Kàgàwà bhà nàwí. ²⁰ Ka kaha ndì vǐnyò-kpǒ bhùna ò, irinǎ rò kigò tò. Ní, azu* isòlò ndì abho nyú ndì kà-bhu ò rò, gùgùna rùpò, ndàrà àhù mùhàgù-tù rǒ nyú. Ndirò, ndì azu adù òkù, ndàrà àhù mbèmbè ìbhu miyà kilòmǔtèrè tí†.

15

Músà bhà adyi mà, Tàmǎ-ngba bhà adyi mà nà nùyù ka kí dhu

(Upf 11.19; 16.1; 19.1-4)

¹ Wò dhu-dzidǒ, ma mala ngätsi ádrùngbã ndirò idho rǐ ìndrǔ mà ùkǒ atdíđǒ nǐ ize òrù-akpà-nyì-rǒ. Ndi dhu níì àrùbhù màlàyiká àrùbhù dhèdhèrò àpbè-tidò nùlǔ foyá. Kǒkò ì àpbè níì ndì kà rǐku dòyá rò àpbè, abádhí rǒ rò Kàgàwà rǐ pbìndà nàwí ìtò nídhunǐ.

² Tdítdǒ, ma mala kiràwulì bhèyi ònà nga ráwù, ndàdù ìì kàzù nà ònà átò ádrùngbã rèrù. Ndirò, ma mala ìzǎ lè mà nónzì aɛ, yà ìnzá kà-wòyǒ nùlǔ, ndirò ì nùvǒ

* 14:18 14.18 8.5 * 14:20 14.20 Ìsa 63.1-6 † 14:20 14.20 tró, uvitatáɛ Yùwanì azè ndìtè Kàgàwà ìtdiɣa kóró aɛ-ànyá dhu.

ìnzǐ kɔpbi kǒvò nà ndì nàko ɔzú-bvu nyìya-ndrìnǎ ale. Abádhí ikò ndi ádrùngbǎ rèrù dǒ, 'àdù Kàgàwà bhà dùmù ùlɔ foyá. ³ Ní, abádhí ambénà Músà, Kàgàwà bhà kasutále bhà adyi mà, Tàmǎ-ngba bhà adyi mànà, nùyù dǒ*. Abádhí ambénà àtìnà dǒ:

«Ádrùngbǎle Kàgàwà yà kóró dhu dǒ arí'ì ádrùngbǎnga tó ɔbi nà alé,
kàsǔnu ní ádrùngbǎ, ndirò idho rǐ ìndrù ùkǒ nǐ kasu!
Inyi, kóró pbirì ǒ ale tó Ádrùngbǎ kamǎ,
pbùkù kasu ní obhónánga tó, ndirò ka ní obhóna tó kasu!

⁴ Inyi Ádrùngbǎlé, ádhi pbá ale ndi ìnzǐ rádù ɔdònu ònzì?

Ndirò, ádhi pbá ale ndi ìnzǐ rádù ɔvònu ilè?

Obhó tí, inyi atdí rò ní ndi ìlǐlá ale!

Ndirò, kóró pbirì ǒ ale rǒngo iwu 'ùko ɔnzìnù, 'ùlǐ nyi, pbùkù obhónánga tó kasu nála wà ndi kprangba abádhí tó nídhunǐ!»

Kàgàwà bhà nàwí rǐ'ì ɔyà àrùbhù kópà

⁵ Ndirò wò dhu-dzidǒ, ma mala Kàgàwà bhà idza-li'ò ndàngbǎ rí ɔrù-akpà ɔ ró. Kà-ò i'ì ní Kàgàwà bhà ɔyátá rǐ'ì ɔnà sàndukù rǐ'ì ɔnà hémǎ-dza. Ányì i'ì dhu ní, yà Kàgàwà arí nditè ìndrù tó ɔnà rò hémǎ-dza.

⁶ Ndirò àrùbhù dhèdhèrò àpbè-tidò nùlǔ foyá àrùbhù màlàyíkà núuvò wò ndi Kàgàwà bhà idza ɔ rò. Abádhí ufó mberù ní'ì ɔwǒwù tdyé mberù, 'àdù odrùya-do iso ɔrò tó kùkyě nǐ. ⁷ Ndirò, ípirǒnga nà ifo dhu-tsí nzinzi ǒ atdí dhu núubhò ɔrò nǐ ka kóbhòlò àrùbhù kópà, kǒkò àrùbhù màlàyíkà-fó. I kópà núulè ùlè tí Kàgàwà, yà dhòdhóhóna nà arádi ale bhà nàwí nǐ. ⁸ Ní, wò ndi Kàgàwà bhà idza náalè Kàgàwà bhà ádrùngbǎnga tó

* 15:3 15.3 Uvt 15.1-18

awáwù mà, kàbhà ádrùngbǎnga tó obi màná ò rò ráhù ikò nǐ. Ndirò, ányì rósù atdí ale mà ní'ì ìmbǎ, ràrà àhù kǒkò àrùbhù màlàyíká rìbhona àrùbhù àpè rǒwu ìku dhu ò.

16

Àrùbhù màlàyíká rǐ àrùbhù kópà ò rǐ'ì
Kàgàwà bhà nàwí ùdhò yà adzi dǒ dhu

(Uvt 7-10; Upf 8.6-9.21)

¹ Wò dhu-dzidǒ, ma miri orú ale-tù nyú nà ka kí dhu òvo Kàgàwà bhà idzá rò àrùbhù màlàyíká* tò dhu. Ka kati: «Nyòwu nyùdhò kǒkò àrùbhù kópà ò rǐ'ì Kàgàwà bhà nàwí yà adzi dǒ!»

² Ní wemberè tó màlàyikà náadhò pbìndà kópà ò nàwí yà adzi dǒ. Ní nzèrè otú-tidò, yà atdí dǒ rándi otú, náahù kǒkò ìzǎ tó kàsé nà rǐ'ì ròyá, 'àdù ambe kà-wòyǒ núle dǒ ale rǒ*.

³ Oyo rǐ kisé màlàyikà náadhò pbìndà kópà ò rǐ'ì nàwí ádrùngbǎ rèrù ò. Ní idha ugèrè ndi ndòngò òvè òvè ale ò rò ráhù azu bhěyi, ndi rèrù ò ì nòtù ípìrǒnga nà arǐ'ì idha ò dhu-tsí ràdù ùve kóró.

⁴ Ìbhù rǐ kisé màlàyikà náadhò pbìndà kópà ò rǐ'ì Kàgàwà bhà nàwí idha-akpá mà, idha-dòtí-nzo màná ò, òyá idha ràdù 'ùgèrè, 'òngò azu tí átò. ⁵ Ní ma miri yà idha dǒnga àndà arǐ màlàyikà rǐ dhu òvo dhu, ndàti: «Inyi ìlǐlǎ alé, nyi nyarǐ'ì ìnè ndirò nyi nyi'ì ìnè. Nyi nyótdì kòrǐ anya obhónánga dǒ. ⁶ Obhó tí, indrù núufu pbùkù pbànábí mà ngǔkpà pbùkù ale màná-azù. Ní ndi dhu-okú dǒ rǒ, kòmbí nyi nyàbhù wà abádhí ròmuvù azu átò. Wòrǐ ní ndi abádhí àkàná 'àbà dhu!» ⁷ Wò dhu-dzidǒ, ma miri ale-tù màzàbahù dǒ rò rǐ dhu òvo

* 16:1 16.1 15.1,6-7 * 16:2 16.2 14.9

ró, ndàti: «Obhóngàtí, inyi fàká Ádrùngbàle Kàgàwà, yà ádrùngbànga tó obi nà arí'ì kóró dhu dǒ alé, nyi nyòtdi wò anya obhóngà dǒ ndirò obhónánga dǒ!»

⁸ Ifo rí kisě málàyikà náadhò pbìndà kópà ò rí'ì nàwí adyifò dǒ. Ní ndi adyifò náabà ìndrù ùbi ndi ndí ònà rò ráhù kàzù nǐ nǐ ádrùngbànga tó obi. ⁹ Ní, ìndrù náagbè wò ndi atdí dǒ ìgbè kàzù nǐ, ràrà àhù ì í dhu ùnò wò ndi àpbè t'ìbhòta tó ádrùngbànga tó obi nà arí'ì alé, Kàgàwà-òvò nǐ dhu ò. Abádhí uvó ì ìnzí 'ùgèrè ì 'ùbhà fìyó nzérenga, ndirò abádhí adù 'ùvo átò ìnzí 'ìlè ka.

¹⁰ Imbo rí kisě málàyikà náadhò pbìndà kópà ò rí'ì nàwí ìzǎ* bhà ádrùngbǎ kamà tó tombi dǒ. Ní, ìndò níibvú ndi kǒnyù idzi dóná pbirì dǒ. Ní, ìndrù apè 'à' à idàya ì ábàna àpbè-okú dǒ rò. ¹¹ Abádhí nùunò dhu Kàgàwà, yà òrù-akpà ò arí'ì alé nǐ, ròyá rí otu rǎndi dhu-okú dǒ rò. Pbéttù, abádhí ùgèrè nzá ì, ùbhà fìyó nzére mètso.

¹² Aza rí kisě málàyikà náadhò pbìndà kópà ò rí'ì Kàgàwà bhà nàwí Fùratì tí kátina ádrùngbǎ idha-akpà ò. Ní ndi idha-bhù ǒ idha atdyù ndínǐ otu nùbhà tí adyifò arí nditò ìnǎ rò arí iwu ádròdrǒ kámá tǒ. ¹³ Nírò ní ndi ma mala àngbè bhèyi ì nùli ìbhù nzére-alafí: atdí náahù ádrùngbǎ osu-akpà-ba-li'ò rò, ngǎtsi náahù ìzǎ-li'ò rò, ndirò ngǎtsi ràdù àhù òyò rí kisě ìzǎ, yà tìtò tó nǎbì tí kátina-li'ò rò. ¹⁴ Abádhí nǐ'ì idhò rǐ ìndrù ùkǒ nǐ dhu ònzí rí nzére-alafí. Ndirò, abádhí ní ì yà adzi ǒ kóró ádròdrǒ kámá dòyanǎ ubhìya, 'undu abádhí-tsù alafí, ndínǐ Kàgàwà, yà kóró dhu dǒ arí'ì ádrùngbànga tó obi nà alé, nuyè tí kàbhà Ádrùngbǎ idhò ǒ.

¹⁵ Ádrùngbàle rǐ dhu òvò, ndàti: «Kànǐ ma mǐrà ogbotále náaràrà dhu bhèyi, yà ìnzá nyǐ nyùnì kàsùmì ǒ. Hirò ònzí rí alé ní nyìkpóna nà rádi ndádù pbìndà

* 16:10 16.10 13.1-2; 15.2

mbèrù òdò mbèyi ròná ìnzí ndùwà aλ, akye ndì ndarana ìla ò nzìnzí rò, nyìna ràdù àmbè ìwu dǒ ìndrù nzínzì ǒ nǎ.»

¹⁶ Nírò ní ndì kǒkò ìbhù nzére-alafí núundu kǒkò ádròdrǒ kámá-tsù yà Hàrmàgèdonì* tí ka kátina Pbàèbràniyà t'ávàna ǒ atdí ngari ǒ.

¹⁷ Àrùbhù rí kisé màlàyikà náadhò pbìndà kópà ò rí'ì Kàgàwà bhà nàwí awe ǒ. Nírò ní ndì atdí orú aλ-tù nyú nírí ndì Kàgàwà bhà ìdza, yà ádrùngbǎ kamà tó tombi rí'ì rò, ndàtì: «Kòmbí kóró dhu ònzì wà ndì!» ¹⁸ Ní, ìnga umbìlì, owo utá, wògò iri ndì, yà ìnzá apèna ìsǎ angyi yà ìndrù apèna 'òngò òko yà adzi dǒ rò ádrùngbǎ mùtiti ràdù ìsǎ. Obhó tí, ndì mùtiti ní'ì ádrùngbǎ mùtiti nyú!

¹⁹ Ní, kùgolo ádrùngbǎ kigò Bàbelì*, ndàbhù ònánga rùndò ndì ìbhù, kóró ngùkpà pbìrì ǒ kigò ràdù 'ùgolo átò. Ndi dhu bhèyi ní ndì ndì ádrùngbǎ kigò náadzò nzá Kàgàwà ònǎ rò, kǎbhù ka ròmvrù atdí dǒ òrù pbìndà nàwí tó dìvayi átò nídhunǎ. ²⁰ Kóró sòngà núuwí, ìnzí pbìrì ràdù 'àla tdít dǒ. ²¹ Wò dhu-dzidǒ, ádròdrǒ kpǒna nà ìfò nà igye níikó ìndrù dǒ. I ìfòkpǒ ì'ì ádròdrǒ nyú, fíyó mǔgèrè ròsè ìfò kumì kilo dònǎ. Ní ìndrù nùuno dhu Kàgàwà nǎ wò ndì ìfò nà igye ràbhùna fíyò àpbè-okú dǒ rò. Obhó tí, wò ndì ìfò nà igye níinza dhu abho nyú atdí dǒ.

17

*Atdídǒ arí mǔnyònì ònzì atdí tsibhále tó mbólí
(Upf 16.19; 18)*

* ^{16:16} 16.16 Hàrmàgèdonì-tì ní Mègidò tí ka kátina kigò ǒ pbìrì. Ndi ngari ní Kàgàwà mà pbìndà aλ màná nugyeya òmvrù núunduya ì tdù Yèsù Krístò ìra rò òná ngari (Zòz 5.19; 2Ká 23.29). * ^{16:19} 16.19 14.8

¹ Nírò ní ndi yà Kàgàwà bhà nàwí tó kópà nà ì'ìnà foyá àrùbhù màlàyíkà nzínzi ǒ atdí màlàyíkà níra dhu òvò idù. Kǎti: «Írà ndíní ma mítè tí ìngbà dhu bhěyi màtí Kàgàwà rí anya òtdì yà atdí dǒ arí m̀nỳò̀nì ònzi tsìbhále dǒ dhu indù. Ndi tsìbhále ní yà ádròdrǒ idha-bidǒ* ka kasì ádr̀ngbǎ kigò. ² Yà adzi ǒ ádròdrǒ kámá nóongónà m̀nỳò̀nì ònzi kà mànà, yà adzi ǒ ng̀kpà aE ràdù òri kàbhà m̀nỳò̀nì tó dìvayi nǎ.»

³ Ní, Kàgàwà bhà ìl̀l̀-Àlafí nírá ma, màlàyíkà ràdù modyì, ndàrà ma nà r̀ng̀ ò. Ní ányì, ma mala atdí tsìbhále òlòlù atdí ìzǎ* dǒ àdi ró. Ndi ìzǎ rǒ ka kadù ùndinà ɔvɔ ní Kàgàwà nǎ ka kí dhu ùnɔ nǎ ɔvɔ. Ndirò, ndi ìzǎ-dɔ ì' àr̀bh̀, ɔtdỳna ràdù ì' idre. ⁴ Wò ndi tsìbhále ufó ní' ìt̀t̀ òlòlùnga mà ngbó ólù mber̀ mànà, ndàdù ngb̀na ǹỳ ùmbìlì r̀mbìlì ɔrò tó dhu-tsí mà, ɔr̀ odzina nà odu-tidò mà ỳkpó mànà nǎ. Ndirò kǎl̀ fóná dhu ní' ɔrò nǎ ka kóbhòlò yà àlè tí àlè íyàdhíyà bhà m̀nỳò̀nì tó òndrò ka kóndrò atdí dǒ m̀tsɔ, yà ìnzá ìl̀ Kàgàwà-nỳkpó ǒ dhu nǎ kópà. ⁵ Kà-nyè rǒ ka kandí ɔvɔ ní', òru tí ka kórù t̀na ɔvɔ. Ndi ɔvɔ ní': Babelì*, Ádr̀ngbǎ kigò, m̀nỳò̀nì ònzi arí vèbhále-tsánà ndirò yà adzi ǒ arí 'ònzi òndrò ka kóndrò atdí dǒ dhu-tsánà. ⁶ Ndirò, ma mala dhu ní wò ndi tsìbhále òri Kàgàwà bhà aE, yà Yèsù bhà ngambì tí ì akò dhu-okú dò rò ka kakyè aE-azù nǎ dhu.

Ní, íyàdhíyà ma màl̀ rò, idhɔ ǹukɔ ma atdí dǒ. ⁷ Nírò ní ndi màlàyíkà náavò dhu idù, ndàti: «Ádhu idhɔ ùkɔ nyì nǎ? Ima, ma mí wò tsìbhále-nỳtsi ndi nòrù dhu-tì àwě indù. Ndirò, ma mí wò ka nàndò àr̀bh̀ d̀na nà, ɔtdỳna ràdù ì' idre ìzǎ-nỳtsi ndi nòrù dhu-tì àwě átò

* 17:1 17.1 17.15 * 17:3 17.3 Ndi òlòlù ìzǎ ní yà 13.1 ò ka k̀t̀ ìzǎ. * 17:5 17.5 14.8

indù. ⁸ Wò nyi nyàla ìzà ní'ì inè angyi, pbétù kòmbí kà rí mbà ì'ì. Ní, kà rùpo ùpo, òyí ò rò, ndíní òtèna ikù tí atdíđ. Ndirò yà adzi ǒ aróko ale, kàkà inzà ka kundí ɔvòya ípìrǒnga tó bhùkù ò, ròpè ndì yà adzi Kàgàwà anzàna rò ale, ní idho ukoyà wò ndi ìzà àlǎ ì í rò. Obhó tí, ndi ìzà ní'ì inè angyi, pbétù kǎrí'ì mbà kòmbí, ndirò kàraya ndìtò ito tdítdǒ!

⁹ Iró dhu àkànà kí'ì dhu-ǒnga t'òvòta tó irèta nà ndíní i dhu alú tí ale-do mbèyi! Kòrí àrùbhù ndi ìzà-do ní àrùbhù pbìri-akpá, yà wò ndi tsibhále náaradi dòyá. Kòrí i kà-do ní átò àrùbhù ádròdrǒ kámá. ¹⁰ Abádhí nzínzi ǒ imbò ale tó idzi-tsù òdì wà ì. Atdí-tsí nádì àdì idzi ndi ndónyù ró, yà inzà àrùbhù rí kisé-tsí nápè ìrà àhù ònaná. Ní, kà rǐrà àhù rò, kǎdiya ídǒ kàsùmì kèlě tí. ¹¹ Wò ndi inè ì'ì angyi ìzà, pbétù yà ìmbà arí'ì tdítdǒ kòmbí, nyú ndítírò ní àrù rí kisé ádrùngbǎ kamà. Ka ní atdí ale kǒkò àrùbhù ale nzínzi ǒ, ndirò kà rǎrà ndíní òtèna ikù tí atdíđ.

¹² Kǒkò nyi nyàla idrè ndi ìzà-ɔtdyú ní idrè ádròdrǒ kámá, yà inzà àpè idzi ɔpè 'ònyù. Pbétù, abádhí rí ádrùngbǎnga tó ɔbì àbà, 'ònyù idzi atdíkpá wòrí ndi ìzà mànà ídǒ kàsùmì kèlě tí. ¹³ I idrè kámá kóró rí'ì nà dhu ní atdí irèta kèlě, 'àngbò fíyó ádrùngbǎnga tó ɔbì mà, fíyó ádrùngbǎnga mànà wò ndi ìzà dzùnà ì ɔnzì tí nǐ. ¹⁴ Abádhí rí Tàmǎ-ngba tí kátina ale ùgye atdíkpá, pbétù ndi Tàmǎ-ngba náadùya abádhí lèmà ònzì ònzì tí ádròdrǒ ale dǒ Ádrùngbǎle tí kà rí'ì, ndirò ádròdrǒ kámá dǒ Ádrùngbǎ Kamà tí kà rí'ì dhu-okú dǒ rò. Kàgàwà únzi ndàdù òvòna fíndà ale, kàkà atdí afíya nà arí kòwù ùngǔ ale, náadùya dhu-lèmà ònzì atdíkpá ndi Tàmǎ-ngba mànà.»

¹⁵ Wò ndi màlàyikà náadù àtìna ìma nǐ tdítdǒ: «Wò

nyi nyàla yà m̀nyò̀nì tó tsìbhále àdi biya dǒ idha ní dhèdhèrò alé-tidò mà, dhèdhèrò ihé yà mà, dhèdhèrò p̀bìrì ǒ alé mà, ndìrò dhèdhèrò aláwà-tidò t'ále màna. ¹⁶ Kǒkò nyi nyàla idrè ndi ìzǎ-otdyú, ndi ìzǎ nyú màna, rǐ wò m̀nyò̀nì tó tsìbhále nónrò òndrò tí. Abádhí rǐ kǎrǐ̀ì nà dhu ùdhǎ kóró kà-fó rò, 'àdù kùbhà tǐròrò. Ndirò abádhí rǐ kà-zǎ à'a, 'àdù ndi nùbhà ka-go ùbì kàzù ò. ¹⁷ Obhó tí, Kàgàwà nǐli wà abádhí ìtù rǐ r̀onzi ndi ndùdhè dhu kèlè ìrèta abádhí-afí ò. Abádhí rǐ 'iri atdí ɔtɛ dǒ, 'àdù f̀iyó ádròdrǒ kámá tó ádr̀ungbànga àngbò atdíkpá ndi ìzǎ dzùna t'ónzita tò, r̀àrà àhu Kàgàwà unɔ ɔtɛ rǎkǎ dhu ò. ¹⁸ Wò nyi nyàla ndi tsìbhále ní ádr̀ungbǎ kigò, yà yàrí adzi ǒ ádròdrǒ kámá dǒ idzi nónyù ádr̀ungbǎ kigò.»

18

Màlàyikà rǐ Bàbeli tó kigò rǐ ndùkǒ dhu òvɔ dhu
(Ìsa 13; 47; Yèr 50-51)

¹ Kòrí dhu-dzidǒ, ma mala ngǎtsi màlàyikà òrù-akpà ò rò rífo ró. Àbadhi ì̀ì ádr̀ungbǎ ádr̀ungbànga tó ɔbi nà, ndirò yà adzi-ǒnga kóró náawù kàbhà ádr̀ungbànga tó awáwù nǐ. ² Nírò ní ndi kǎkù ɔrú tǔna nyú nà, ndàti: «íyàdhíyà ìtsì wà, Bàbeli tó ádr̀ungbǎ kigò ìtsì wà! Kòmbí kòngò wà p̀f̀ɔmvɔ aróko ró nga tí, ndirò kóró nzéɛ-alafí-tidò aróko ró nga tí. Kòngò wà yà ìndrù óndrò Kàgàwà-nyìkpó ǒ òtì àrè-tidò mà ìzǎ-tidò màna náaróko ró nga tí. ³ Obhó tí, kóró p̀bìrì ǒ alé nónmvù Kàgàwà bhà ádr̀ungbǎ nàwí tó òvayì, yà kàbhù abádhí ròtsù p̀bìndà m̀nyò̀nì ò dhu-otù ǒ. Yà adzi ǒ ádròdrǒ kámá nónzi m̀nyò̀nì íyàdhíyà nà, ndirò yà adzi ǒ mùtùruzitáɛ nónzi kàbhà ábhǒ ònzi-okú dò rò.»

⁴ Wò dhu-dzidǒ ma miri ngätsi alε-tù òrù-akpà ò rò rí dhu òvǒ ró, ndàti: «Pbàkà alé, nyùvò wòrí kigǒ ǒ rò, akyε nyĩ nyowuna òtsù kàbhà nzÉrenga ò, nyädù kà räbàna àpbè àbà átò nǎ. ⁵ Obhó tí, kàbhà nzÉrenga núpò wà atdíǒ, ràrà àhù òrù-akpà nyú ò, ndirò ndi atdíǒ kǔfǎ dhu tó dhu nàrà wà ise Kàgàwà ǒ. ⁶ Dhu àkǎ kǒnzì dhu kà-rǒ àdhàdhì yà ngǔkpà alε-rǒ kǎnzì dhu dhu bhèyi. Dhu àkǎ kubho ngǔkpà alε-rǒ kǎnzì dhu ɔvǒ-gùna ròsè. Ndirò yà ngǔkpà alε tò kǎrí òvayì ùngbǒ òná kópà ò, dhu àkǎ kungbǒ òvayì kà tò fìndá ògyè ròsè ɔvǒ-gùna. ⁷ Ndirò àdhàdhì kǒngónà ndòzè ndàdi ádrùngbǎ ilèta mà ònzì màná ǒ dhu bhèyi, ní dhu àkǎ kabhu ka ràdi àpbè mà ɔvε tó izu màná ǒ. Obhó tí, afína ò kǎrátina: «ma, ma marádi ádrùngbǎ kamà tó tombi dǒ tsìbhá ádrùngbǎ kamà bhèyi, ma ní nzǐ abvo-àyi, ndirò ma mí nzǐ adi ɔvε tó izu ǒ akεkpá màtí!» ⁸ Wò dhu-okú dǒ rò ní ndi, atdí idho ǒ tí kà rǐ pé kóró andi-tidò mà, ɔvε tó izu mà àwù màná tó àpbè nábà. Ndirò, kàzu rǐ kùbi rògbè atdíǒ, kà-dǒ anya nòtdì alε, Ádrùngbǎle Kàgàwà ní ádrùngbǎnga tó ɔbi nà alε nídhunǐ.»

⁹ Yà íyàdhíyà màná mùnyòni nanzì yà adzi ǒ ádròdrǒ kámá, 'àdù òko ònzì ǒ kà màná, náambéya òdzi dǒ, 'àdù ɔtsúya ùli ngàngàya-rǒ, íyàdhíyà rògbè nǎ kàzu-ikò àlǎ ì í rò. ¹⁰ Abádhí níikòya itse wò ndi àpbè-òdò ònzì ì í rò, 'àdù àmbe àtìná dǒ: «Nyí nyí'ì àpbè ǒ! Nyí nyí'ì àpbè ǒ, ìnyì Bàbelì tó ádrùngbǎ kigǒ, ndirò ádrùngbǎnga tó ɔbi nà arí'ì kigǒ! Obhó tí, Kàgàwà ɔtdì wà anya dùnú atdí adyifò-sisì ǒ tí!»

¹¹ Yà adzi ǒ mùtùruzitále rǒdzi, 'àdù òko izu ǒ íyàdhíyà-okú dǒ rò, ìmbǎ odzi rǒ ì iwù nà dhu òdzi rí atdí alε mà rǐ'ì nídhunǐ. ¹² I dhu-tsí ní: ɔrò mà, fùrangà tó suma-tidò mà, ɔrú odziya nà atdíǒ úya odu-tidò mà,

yòkpó mànà. Ndirò ní ùyǎya uzi nǎ ka kódyù mberù mà, ìtǐtǐ òlòlùnga tó mberù mà, sùwá tó mberù mà, òlòlù ngbó mberù mànà. Ngǔkpà dhu ní mbèyi aróngu kóró itsukpó-tidò mà, ɔyɛ-kù nǎ ka kóbhòlò kóró dhu-tsí mà, àtsà tí ka kátsà ɔrú odziya nà itsukpó nǎ ka kóbhòlò kóró dhu-tsí mà, ndirò mùlìngà tó sùma-tidò nǎ màtí, tsù mà nǎ màtí, àtsà ka kátsà odu nǎ màtí ka kóbhòlò dhu mànà. ¹³ Ngǔkpà dhu ní ndrùù ikòya aróngu ùbì ka kùbì rò itsu-ndì-tidò mà sobì mànà, màrasì mà, mànèmanè mà alìndra-tidò mànà. Ndirò ní dèyayi mà, akye mà, awíí r'ó'ó idyi-ra mà nganù-kpǒ mànà, ìkyi-akpá mà tàmà mànà, mùhàgù mà abádhí arádhana gèrègèrè-tidò mànà, ìno tí aríí ale mà ndirò ùsò ka kúsò ale mànà. ¹⁴ Ndirò ka kátina ndì kigò nǎ: «Yà nyi nyazè atdíđǒ nyabà kǒkò idzi dhu-tidò kóró núwí wà fúnú rò! Ndirò, ònzi tó kóró pbùkù dhu-tsí mà, nyabhù ongónà nyaya atdíđǒ pbùkù dhu-tsí mànà kóró núwí wà! Nyi nyí ìnzí ì dhu-tsí àlǎ tǎtǎđǒ akekpa màtí!» ¹⁵ Wò ndì kigò ìnzí mùtùruzitále níikòya itse wò ndì kigò rǎbàna àpbè ɔdò ònzi ì í rò. Abádhí ambèya òdzi dǒ, 'adù òko izu ǒ, ¹⁶ 'àmbe àtìnà dǒ: «Íyàdhíyà rǎí àpbè ǒ! Kà rǎí àpbè ǒ, ka ádrùngbǎ kigò! Kǔfǒ ndì atdíđǒ úya mberù nǎ, fìndá òlù ítì ìtì tí mberù nǎ, ndirò òlòlù ngbó mberù nǎ. Kǔyò ngbóna ɔrò tó dhu-tsí mà, ɔrú odziya nà odu-tidò mà, yòkpó mànà nǎ! ¹⁷ Ní atdí adyifò-sisì ǒ tí wò dhu bhèyi ábhǒ ònzi-íyà nínza wà ì!»

Bàtò-do ùtdyǎ arí ale mà, ì bàtò ǒ arúbhi ale mànà, bàtò ǒ arí kasu ònzi ale mà, kóró ale kǎkà yà ádrùngbǎ rèrù ǒ ì arónzina kasu náarí fíyó ìpìrǒnga òdò mànà níikò itse. ¹⁸ Ní, wò kigò nùbì kàzu-ìkò àlǎ ì í rò, abádhí ambénà ùkù dǒ, 'àtì: «Íngbà kigò ndì yàrí ádrùngbǎ kigò nà ndì nòfò?» ¹⁹ Ní abádhí ambénà àhù ùtro dǒ dòya ò

izu-okú dò rò, 'àdù àmbé òdzi dǒ atdíǒ. Ndirò abádhí ambénà ùkù dǒ, 'àmbe àtìna dǒ: «Íyàdhíyà rǐ'ì àpbè ǒ! Kà rǐ'ì àpbè ǒ, ka ádrùngbǎ kigò! Yà bàtó nà arí'ì ádrùngbǎ rèrù dǒ alé kóró nínzì ní kà-ò rò aráhu ònzì. Pbétù, atdí adyifò-sisì ǒ tí, kòdì wà mùtáyángá.»

²⁰ Inyi òrù-akpá, ábhù idhènu rìka ndì ndì kigò nùgolo ndì dhu-okú dò rò! Ndirò nyǐ Kàgàwà bhà alé, nyǐ uvitatálé, ndirò nyǐ Kàgàwà bhà pbànábí, idhèku àkà rìka ndì átò! Obhó tí, Kàgàwà òtdì wà anya kà-dǒ rùkú kǎnzì dhu-okú dò rò.

²¹ Wò dhu-dzidǒ, atdíǒ rǐ'ì ǒbì nà atdí màlàyikà níitdu dhu ò'ù ka karí dóná odu bhèyi rólo ádrùngbǎ odu-ba, ndidò ádrùngbǎ rèrù ò. Kǎdù àtìna: «Wò dhu bhèyi ní ndì ka kí Bàbelì, ádrùngbǎ kigò ní dǒ ǒbì nyú nà ádrùngbǎ rèrù ò, ìnzì ràdù ndàla akekpa màtí tdítǒ. ²² Dùmù-tù mà, adyi ùyù rí alé-tù mà, rùgě-tù mà, wàndà-tù mà nà, rǐ ìnzì 'ìrì ùnú akekpa màtí tdítǒ. Dhèdhèrò kasu-tidò ònzì arí alé rǐ ìnzì 'àlǎ ùnú tdítǒ akekpa màtí. Ndirò dhu t'ó'ùta tó odu-girití mà rǐ ìnzì ndìrì ùnú akekpa màtí tdítǒ. ²³ Tarà tó awáwù rǐ ìnzì ìnga àwù ùnú akekpa màtí tdítǒ. Ndirò àdhìngbǎ-ǒwùtá mà pbìndà kpatsìbhále mà nà-tù rǐ nzǐ 'ìrì ùnú akekpa màtí tdítǒ. Kóró kǒkò dhu rǐ 'ònzì ùnú mùtùruzitále náarí 'òzù yà adzi ǒ kóró ngùkpà alé tó ònzì-dónǎ fǐyò ònzì ósè alé tí dhu-okú dò rò. Ndirò, nyi nyarí kóró pbìrì ǒ alé ùtrǎ pbùkù òndrù nǐ. ²⁴ Ònú nga ní ndì ka kótù pbànábí-azù, Kàgàwà bhà alé-azù, yà adzi ǒ ka kakyè kóró ngùkpà alé-azù mà nà nǐ.»

19

Kàgàwà ònzì mùlè mà dhu tó adyi ùyù ka kí dhu

¹ Tdítdǒ, ma miri ádrùngbǎ ihé-yà-tù bhëyi ró'ò ɔrú tǔna nyú ǒ rí dhu òvo òrè-akpà ò rò ale-tù, ndàti: «Kàgàwà àkǎ ilèta nà! Kǎrí ndi àlě ìgǔ! Ádrùngbǎnga tó awáwù mà, ádrùngbǎnga tó ɔbi mànà ní kàbhà dhu! ² Obhó tí, kǎrí indrù-ànyǎ ìtdì obhóngà dǒ ndirò obhónángà dǒ. Kòtdì wà anya wò m̀nyò̀nì tó ndirò ádrùngbǎnga tó ɔbi nà tsìbhále* dǒ, yà adzi ǒ ale níti ongónà p̀b̀ndà m̀nyò̀nì tó nzéɛ m̀tsɔ ní tsìbhále. Kàgàwà nùtsè wà yà kǔfù p̀b̀ikì ale-azù íyàdhiyà rǒ!» ³ ɔyɔ rí kisè nǐ ndi ale-tù náavò dhu ɔbi nyú nà, ndàti: «Kàgàwà àkǎ ilèta nà! Wòrí ádrùngbǎ kigò ùbi rí kàzù-ikò rǒngò ambe ùpo dǒ wò dhu bhëyi tí dhòdhódhóngà nà!» ⁴ ǒyǒ kumi dòná ìfɔ nà p̀b̀àk̀r̀r̀-akpá mà, yà ípìrǒngà nà ìfɔ dhu-tsí mànà náadù 'ùkɔ ɔtdùya dǒ, ì rùlě f̀ndá ádrùngbǎ kamà tó tombi dǒ àdi ale Kàgàwà, 'àmbɛ àtìna dǒ: «Àmìnà! Kàgàwà àkǎ ilèta nà!» ⁵ Ndirò, ndi ádrùngbǎ kamà tó tombi dǒ rò atdí ale-tù náavò dhu, ndàti: «Dhu àkǎ nyífu àlě tó Kàgàwà, nyí kóró kàbhà alé, yà kǒdò ònzì nyí nyarí rò, indrù arí ìfùna, ndirò ìnzì indrù arí ìfùna alé!»

Tàmǎ-ngba tí kátina ale bhà nduwà tó dhu òvo ka kí dhu

⁶ Wò dhu-dzidǒ, ma miri ádrùngbǎ ihé-yà-tù bhëyi ró'ò atdí ale-tù. Kǎmbénà ndirò dǒ átò ábhǒ idha rǐ ndòbvù dhu bhëyi ndirò atdí dǒ rúta ɔvo bhëyi. Ndi ale-tù ambénà àwa dǒ atdí dǒ, ndàti: «Kàgàwà àkǎ ilèta nà! Obhó tí, àlě tó Ádrùngbǎle Kàgàwà, yà kóró dhu dǒ arí'í ádrùngbǎnga tó ɔbi nà ale, nídi wà p̀b̀ndà idzil! ⁷ Ní, kàbhù àlě-idhè r̀ka ndi, àlě ràmbɛ ùkù dǒ dhèdhe nà, ndirò àlě ràdù àmbɛ kilè dǒ. Obhó tí, Tàmǎ-ngba

* 19:2 19.2 17.1-7

bhà nduwà tó kàsúmì àkǎ wà, ndírò kàbhà tsìbhále* nóbhòlò wà ndì. ⁸ Ndi tsìbhále tò ka kàbhù ùyǔya uzì nǐ ka kódyù mberù ndínǐ kǎfó tí. Ndi mberù ní átò ùmbìlì rúmbìlì, ndàdù ìlǎ mberù.» Ndi ùyǔya uzì nǐ ka kódyù mberù rǐtèna ní Kàgàwà bhà ale tó obhónanga tó mǔtsò.

⁹ Nírò ní ndi màlàyìkà náadù àtìna ìma nǐ: «Ándí yàrí ɔtɛ: Hirò nònzì ale ní yà Tàmǎ-ngba bhà nduwà tó mùhendù ò ka kùnzi rìwù ale!» Ndirò, kǎdù àtìna tǎtǎdǎ: «Kǒkò fùkù ma mǎvò ɔtɛ ní Kàgàwà bhà ɔtɛ nyú.» ¹⁰ Ní, ma mibvú ma kònzǐ ɔtdyùdu dǎ, ndínǐ ma mǎlé tí ka. Pbéttù, kǎdù àtìna ìma nǐ: «Ìnzè! Nzǒnzi dhu wò dhu bhèyi! ìma ní kasutále kèlè ìnyi bhèyi, ndírò adónu bhèyi. Kàgàwà ní ndi nyi nyákǎ nyukò nyi ɔtdyùnu dǎ ɔnzìná nyulè ale!» Àlè'í kóró àlè kábà yà Yèsù ìra nà obhónanga tó ɔtɛ. Obhó tí, atdí ìlǎlǎ Alafí kèlè rǐ ndɔtɛ yà Yèsù unɔ ɔtɛ-nyutsinǎrò ndírò wò pbànábì tó ófò ò rǐ'í yàrí bhükù ò ɔtɛ-nyutsinǎrò.

òwǒwù mùhàgù dǎ ùpò ndàdì ale, Yèsù rǐ mùlèma ònzi dhu

(Zàb 45.4-8; Ìsa 11.4; 63.1-6; 2Tè 2.8; Yud 1-15)

¹¹ Wò dhu-dzidǎ, ma mala òrù-akpà-li'ò ndì nàngbe ró, òwǒwù mùhàgù ràdù ndìtò ònà rò. Wò ndi mùhàgù dǎ ùpò ndàdì ró ì'í ale-ɔvò nǐ'í atdí dǎ ka kí'í a'uta nà ònà ale, ndírò obhó dhu kèlè únɔ arí ale. Obhó tí, kǎrí ìndrù-ànyǎ ùnɔ, ndàdù ìla ùgyè obhónanga dǎ.

¹² Kà-nyìkpó náambénà ùmbìlì dǎ àdhàdhì kàzu-idà-dò bhèyi, ndírò kà-dò rǎ mùkàkú ní'í abhɔ nyú. Kǐ'í ròná ka kándí atdí ɔvɔ, yà ìnzá atdí ale mà ùnì ɔvɔ nà,

* ^{19:7} 19.7 Tàmǎ-ngba bhà tsìbhále tí ka kátina ale ní kànìsà, Yèsù ná'ù ale (Èfè 5.25-32; 2Kò 11.2).

pbétù yà ka kèlě úni atdíró ɔɔɔ. ¹³ Kĩ'ì azu òwì ndì róná m̀dzarù ndì ndàfɔ́ róná ró. Ndirò kòvò nì'ì «Kàgàwà bhà ɔte.» ¹⁴ Ɔrù-akpà ɔ́ pbànowí tó p̀kò náambéna òwu dɔ́ kòwù ɔ́ òwɔ́wù m̀hàgù dɔ́ 'ì 'òkò rórò. Ndirò, abádhí ɔ́fó òwɔ́wù atdíđ ɔ́ya 'àdù ìlã mberù. ¹⁵ Atdíđ ndì nàkà ìla tó obhi-akpà náadù àhũ kà-li'ò rò, ndíní kónzi tí kóró p̀birì ɔ́ alɛ lèma nĩ. Ndirò, kà rĩ idzi ònyũ, ndùndà ìndrũ tsumà tó mùgò nĩ. Ndirò, kà rĩ ì alɛ-ɔ́nga òbè Kàgàwà, yà kóró dhu dɔ́ arí'ì ádr̀ngbã tó ɔ́bi nà alɛ bhà ádr̀ngbã nàwí tó òvayì náha ka karí òná ibhu ò. ¹⁶ Kà-dzo ònã rò, ka kándí kàbhà mberù-rò ɔɔɔ ní: «Ádr̀drɔ́ kámá dɔ́ Ádr̀ngbã Kamà, ndirò, ádr̀drɔ́ alɛ dɔ́ Ádr̀ngbãlɛ.»

¹⁷ Wò dhu-dzidɔ́, ma mala atdí màlàyikà adyifò ò idè ró. Kàkù ɔ́rú tũna nyú nà ɔ́rù-akpà-nyì rɔ́ rángìlì kóró àrè tò, ndàtì: «Nyìwũ nyàndu nyĩ atdíkpá Kàgàwà bhà ádr̀ngbã m̀hendù tò. ¹⁸ Nyìwũ ndíní nyĩ nya'a tí ádr̀drɔ́ kámá-abvò mà, pbànowí tó ádr̀drɔ́ alɛ-abvò mà, ɔ́bi nà arí'ì alɛ-abvò mà, m̀hàgù-abvò mà, kàkà abádhí-dɔ́ ùpò 'òkò alɛ-abvò màna. Nyìwũ ndíní nyĩ nya'a tí kóró alɛ-abvò: kàkà d̀yá arí'ì ìtírò alɛ-abvò, ìno tí arí'ì alɛ-abvò, ìndrũ arí ìfũna alɛ-abvò, ndirò ìnzĩ ìndrũ arí ìfũna alɛ-abvò.»

¹⁹ Tdítdɔ́, ma mala ìzã* mà atdíkpá yà adzi ɔ́ ádr̀drɔ́ kámá mà, f̀yó pbànowí tó p̀kò màna ìwà ì nundu atdíkpá, ndíní ì uge tí ì m̀hàgù dɔ́ àdi alɛ mà, p̀bìndà pbànowí tó p̀kò màna nà. ²⁰ Ní ka kulú ndi ìzã mà yà kònzĩ arúbhi wìwì ònzì rɔ́ t̀tò tó nabi* màna. Ndi wìwì-otù ɔ́, ndi nabi aránà wò ndi ìzã bhà kàsé ka k̀p̀bì r̀yá alɛ, yà kà-wòyɔ́ ɔ́lě arí alɛ núwi rɔ́. Wò ndi ìzã mà

* 19:19 19.19 13.1; 17.8 * 19:20 19.20 16.15

atdíkpá ndi tìtò tó nabì mànà ka kawà ípìrǒrò áwùse tó dhu-ra tó ádrùngbǎ kàzù yà atdíǎ arúla ògbe ndógbe rò ò. ²¹Ndirò, kǒkò òdòdì ale-go nakyè ní wò ndi mùhàgù dǎ àdì ale-li'ò rò ráhù ìla tó obhi-akpà, kóró àrè ràdù abvòya ná'à 'ùlè nǎ.

20

Osu-akpà-ba nòsò màlàyikà rǎ atdí lufù ató tí dhu
(Dàn 7.22,27; Upf 5.9-10)

¹ Wò dhu-dzidǎ, ma mala atdí màlàyikà òrù-akpà ò rò rífo ró. Kǐ'ì òyǐ-tsù tó fùngulà mà, ádrùngbǎ àdrà-mbǐ-ba mànà nà fóná. ² Ní, kálú wò ndi ádrùngbǎ osu-akpà-ba, yà mùhàngú ò rò í'ì osu, Pfòmvo, ndàdù òsònà atdí lufù ató tí. ³ Obhó tí, wò ndi màlàyikà náabvù ka ndi òyǐ ò, ndàdù ndi ibhu-akpà-li'ò nápbì. Wò dhu-dzidǎ, kǎdù kàsé ìdù kà-tsù rǎ. Kǎnzì ka ndi dhu bhèyi tséngbá wò ndi osu-akpà-ba náàhùna, ndùtrǎ kóró pbìrì ǎ ale rùwǐ nǎ, ràrà àhù wò atdí lufù ató rǐku dhu ò. Wò dhu-dzidǎ, dhu akáyà kikòlò ka ákě kàsùmì tí.

⁴ Ndirò, ma mala pbàkámá tó tombi, ì tombi dǎ òkò ale tò Kàgàwà ràdù ìndrǔ-ànyǎ ìtdì abádhí rǒngò nǎ ádrùngbǎnga tó òbì àbhù. Ma mala átò dhu ní'ì yà Yèsù bhà ngàmbì tí ì í'ì dhu mà, Kàgàwà bhà òtè ì unò ìndrǔ tò dhu mànà dhu-okú dò rò ka kakyè ale. † ale ní kǎkà ìnzá ì nukò ìzǎ-ònzǎ màtí, ndirò kà-wòyǎ-ònzǎ màtí, 'ùlě ka ale. Ndirò, ka kùpbì nzá ndi ìzǎ bhà kàsé abádhí-nyìndri rǎ màtí, ndirò abádhí-òtsú rǎ màtí. Ní, abádhí nùungbè ì òve-bvù rò, 'àdù idzi ònyù atdíkpá Krístò mànà atdí lufù ató tí. ⁵ Wòrǐ ní ndi wemberè tó ungbeta. Yà òdòdì ùvùvè ngǔkpà ale-go náadù nzá 'ungbè, ràrà àhù wò atdí lufù ató rákǎ dhu ò. ⁶ Hirò ònzǐ rǐ ale ní kǎkà ndi wemberè tó ungbeta ǎ rǐ 'ungbè ale! Abádhí ní Kàgàwà

bhà ale, ndirò ɔyɔ rí kisé ɔve rǐ mbă ádrùngbănga tó obi nà abádhí-dǒ. Abádhí nǐ'íya Kàgàwà bhà ndirò Krístò bhà pbàkùhání. Ndirò abádhí nóɔnyuaya idzi atdíkpá Krístò mànà atdí lufù ató tí.

Pfɔmvɔ ɔtɛ rǐku atdíđ dhu

(Zèk 38-39)

⁷ Wò ndi atdí lufù ató rǐku rò, ka kikòlòya pfɔmvɔ Sitanì rǎhu pbìndà imbi-dzà ò rò. ⁸ Ní kǎdùya àrà ìfɔ yà adzi-pbìdò ònǎ arǐ'í pbirì ǒ kóró ale-tidò ùtra rùwǐ. I pbirì ní Gǒgì mà Mǎgǒgì mànà*. Kǎnduya abádhí-tsù, ndín'ǐ nuyè tí Kàgàwà bhà ale mànà. Ndirò, abádhí nǐ'íya abho nyú àdhàdhì ádrùngbă rèrù-bidò ɔsɔkpó bvùtí. ⁹ Abádhí náadùya ìfalà yà adzi ǒ kóró ngari ònǎ, 'àdù Kàgàwà bhà ale tó pbanga, yà atdíđ kǒzè kǐgò-ngbò nákpòrò. Pbétù, kàzu nǐsǐya òrù-akpà ò rò, ndùbì abádhí. ¹⁰ Ní Pfɔmvɔ, yà abádhí nùtrá ale, ní ka kobvúya yà atdíđ rórù ádrùngbă kàzu ò, yà ìzǎ mà, tìtò tó nabi mànà rǐ'í. Ní abádhí abáya àpbè adyǐbhengá màtí ndirò kùbhingá màtí, dhòdhódhóngà nà.

Kà rǐku dóná rò anya t'ítàtita

(Yùw 5.26-29; Kas 17.30-31; 2Pé 3.7-12)

¹¹ Wò dhu-dzidò, ma mala ádrùngbă kamà tó òwǒwè tombi-ba atdíkpá kà-dǒ àdi ale mànà. Yà adzi mà òrù-akpà mànà náatsè itse nyú àbadhi-ònzǐ rò, ìnzǐ 'àdù 'àla tǎtǎđ. ¹² Ndirò, ma mala ùvǔvè ale, ìndrù arǐ ìfùna ale mà ìnzǐ ìndrù arǐ ìfùna ale mànà wò ndi ádrùngbă kamà tó tombi-ònzǐ ikò ró. Ní ka kungbe ibi bhükù, ndirò ka kungbe ngàtsi bhükù átò. Wò ndi-tsí nǐ'í ípirǒnga tó bhükù. Ní ka kitdì kǒkò ùvǔvè ale-ànyà àdhàdhì i ibi

* 20:8 20:8 Zèk 38-39 rǐ Gǒgì mà Mǎgǒgì mànà nǎtì Kàgàwà bhà ale tó òmvù tí.

bhükù ò ka kundí yà abádhí anzì dhu-bvɛ rǒ. ¹³ Obhó tí, ádrùngbǎ rèrù níipfo yà ònà ɛvè ale. Ndirò ɔve mà ɔve-bvùnga mànà níipfo òyà ì'ì ɛvùvè ale átò. Ìngbàtí ìli ndì ale mà-ànyǎ ka kitdì àdhàdhì ndì ale anzì dhu-bvɛ rǒ. ¹⁴ Wò dhu-dzidǒ, ka kawà ɔve mà ɔve-bvùnga mànà yà ìnzì aráve ádrùngbǎ kàzɛ ò. Wò ndì kàzɛ ò ka kí ìndrù òbvù dhu ní ndì ɔyɔ rí kisè ɔve nǐ ka kóvè dhu. ¹⁵ Ndirò, ìnzá ka kòtù iwà ka kándì ɔvòna ípìrǒnga tó bhükù ò ró ale, ní ka kabvù wò ndì kàzù-yà-ba ò.

21

òrù-akpà-ɔwùtá mà adzi-ɔwùtá mànà

(Ròm 8.17-18; 2PÉ 3.13-14)

¹ Wò dhu-dzidǒ, ma mala òrù-akpà-ɔwùtá mà adzi ɔwùtá mànà. Obhó tí, wemberè tó òrù-akpà mà wemberè tó adzi mànà ní'ì iwà ì úwí ró, ndirò ádrùngbǎ rèrù náadù ì'ì ìmbǎ tdítǒ. ² Ndirò, ma mala Kàgàwà bhà ìlǎ kigò, Yèrùsàlemà-ɔwùtá òrù-akpà ò rò rífo, ndì Kàgàwà bhà rò ró. Kǐ'ì iwà ka kòbhòlò àdhàdhì tɔròna ka kònzì ndínǐ owu tí 'òtù pbìndà kpatsibhále nà àdhìngbǎ bhèyi ró. ³ Ní ma mìrì ɔrù tǔna nyú nà rí dhu òvɔ ádrùngbǎ kamà tó tombi-tì'ò rò atdí ale-tù, ràmbe àtìnà dǒ: «Kòmbí, Kàgàwà arádì ró nga rǐ'ì ìndrù nzínzi ǒ! Kà rǒngo àdì atdíkpá abádhí mànà, ndirò abádhí ní'iya kàbhà ale. Kàgàwà nyú ndìtìrò ní'iya atdíkpá abádhí mànà, ndirò ka ní'iya abádhí tó Kàgàwà. ⁴ Kùndoya abádhí-nyìdha kóró. ɔve ní'iya ìmbǎ tdítǒ, ndirò ɔve tó izɛ mà, ɛhùtá mà, àpbè mànà ní'iya ìmbǎ tdítǒ. Obhó tí, yà angyi ì'ì dhu-tsí ní'iya iwà ì úwí ró.»

⁵ Ndirò, wò ndì ádrùngbǎ kamà tó tombi dǒ ndì ndàdì ró ì'ì ale náavò dhu átò ndàtì: «Kànǐ ma mí kóró dhu-tsí ònzì rǒngò ɔwùtána tí.» Wò dhu-dzidǒ, kǎdù àtìnà

ima nǎ: «Ándí yàrí ɔɛ. Obhó tí, ndí ɔɛ ní obhóná ɔɛ, yà ìmbǎ títò rǎ'ì ònà ɔɛ.» ⁶ Kǎdù àtì nà tǎdǎ: «Kòmbí kóró dhu àkǎ wà! Ima ní Alúfá ndirò òmégà, kà-tì ní kóró dhu apè ndì róná rò ale ndirò kóró dhu rǐku dóná rò ale. Idha-atdyú nà rǐ'ì ale tò, ima, ma mí ípìrǒnga tó idha-dòtì ò rò ráhu idha àbhù kà ròmuvù tǎrǒrò. ⁷ Dhu lè mà ònzi rǐ ale, náabáya fudú rò ní kǒkò rǐ dhu. Ndirò, ima ní'íya kàbhà Kàgàwà ndirò kà ní'íya pbàkà ingba. ⁸ Pbéù ɔdɔtáɛ mà, ìnzá Kàgàwà ná'ù ale mà, nzéɛ dhu ònzi arí ale mà, ìndrù òkye arí ale mà, m̀nyònì ònzi arí ale mà, òndrù òndrù arí ale mà, sànamù ùlě arí ale mà, kóró ale, títò ùnɔ arí mànà, ní tó ngari ní'íya áwùse tó dhu-ra tó ádrùngbǎ kàzù yà atdí dǎ arúla ògbe ndógbe rò ò. Wòrí ní ndí ɔyɔ rǐ kǐsě ɔɛ.»

Yèrùsàɛmà-ɔwú tá, Tàmǎ-ngba bhà tsìbhále

(Ìsa 60; Zèk 48.30-35; Èbr 11.10,16)

⁹ Wò dhu-dzidǎ, atdí màlàyikà níndri tídu ò. Ndi màlàyikà ní'ì yà Kàgàwà bhà nàwí rǐku dòyá rò àpbè nùlè òyá àrùbhù kópà nùlù nà foyá àrùbhù màlàyiká nínzi ò atdí màlàyiká*. Ní kǎti ma nǎ: «frà kòwu atdíkpá, ndínǎ ma mítè tí àdhìngbǎ, Tàmǎ-ngba tí kátina ale bhà tsìbhále ìndù.» ¹⁰ Ní, ìlǎlǎ-Alafí nírá ma, ndí màlàyikà ràdù modyì ndàrà ma nà ádrùngbǎ ndirò ádzí atdí pbìrì-akpà dò. Ní kítè Kàgàwà bhà ìlǎlǎ kígò, Yèrùsàɛmà idù. Ndi kígò ambénà ìfo dǎ òrù-akpà ò rò, ndàmbe ìrà dǎ ndí Kàgàwà bhà rò. ¹¹ Ndi kígò ambénà ùmbìlì dǎ Kàgàwà bhà ádrùngbǎnga tó awáwù-okú dò rò. Kàbhà awáwù ní'ì àdhàdhì yà kiyó bhèyi arúmbìlì yǎspi tí kátina ɔwú odzina nà odu bhà awáwù bhèyi. ¹² Kà-ngbò ka kakpɔɔ nǎ lubhà ní'ì odu nǎ ka kórù, mbèmběna nà

* 21:9 21.9 15.1; 16.1; 17.1

ndirò ádzí kunatì nà lubhà. Ndi lubhà tó tsätsù i'ì atdí kumì dóná óyǒ nà, atdí kumì dóná óyǒ nà màlàyíkà ràdù àmbè ngbǒya òdò dǒ. Ndirò i tsätsù rǒ ka kundí ɔvɔ ni'ì atdí kumì dóná óyǒ nà Pbàìsràyélí tó rùgànda-tsù-ɔvò. ¹³ Adyifò arí ndìtò inǎ rò, kà-rǒ tsätsù i'ì ìbhù, adyifò arótsù inǎ rò, tsätsù i'ì ìbhù. Múlayí dónǎ rò, tsätsù i'ì ìbhù, ndirò mùsùngú-dò nǎ rò, tsätsù i'ì ìbhù. ¹⁴ Ndirò wò ndi kigò-ngbò nákpòrò lubhà ni'ì atdí kumì dóná óyǒ nà ádròdrò odu ka kúli tsinà, ndíní ka nabhù tí rìdzò lubhà. Ndirò, kóró i odu rǒ ka kundí ɔvɔ ni'ì Tǎmǎ-ngba bhà atdí kumì dóná óyǒ nà uvitatále-ɔvò.

¹⁵ Wò ndi idù ubhína dhu àwɛ rǒ màlàyíkà ní'ì dhu ùdhè ka karí nǎ dhu nà fóná: ndi dhu ni'ì ɔrò nǎ ka kóbhòlò-ngbǒna ízò. Kálù ndi dhu ndíní ndi ndudhè tí ndi kigò nǎ kóró, kóró kà tó tsätsù mà, kà-ngbò ka kákpòrò nǎ lubhà-ɔngò-kpa mànà. ¹⁶ Wò ndi kigò ka kasì iginadó rì'ì ìfò àdhàdhì: kà tó ádzínga mà kà tó íhùnga mànà ní'ì àdhàdhì. Ní, màlàyíkà núudhè kóró ndi kigò-ɔngò-kpa wòrì ízò nǎ. † kǒngò-kpa tó ádzínga, íhùnga, kǎvè mànà ní'ì àdhàdhì* mbèmbè óyǒ lufù kilòmětèrè tí†. ¹⁷ Màlàyíkà núudhè lubhà átò ìndrù arí dhu ùdhè dhu bhèyi. Ní, kǒngò-kpa-ivè nóowúnà i'ì rǒ mbèmbè àrùbhù kumì kilòmětèrè tí†. ¹⁸ Kǒngò-kpa ni'ì yǎspi tí kátina ɔrú odzina nà odu nǎ ka kósì. Ndirò, ndi kigò ni'ì vǐnà dǒ rò rí'ì ɔrò nǎ ka kósì, kadù àmbè ale-sisì àla dǒ ònǎ kiyó ǒ dhu bhèyi kigò. ¹⁹ Ndi kigò-ngbò

* ^{21:16} ^{21:16} Kàgàwà bhà idzá atdí dǒ ílǎ ngari-ɔngò-kpa tó ádzínga, íhùnga, kǎvè mànà ní'ì àdhàdhì Yèrùsàlemà-ɔwútá tó kigò-ɔngò-kpa tó ófò bhèyi (1Ká 6.19-20). † ^{21:16} ^{21:16} rǒ, uvitatále Yùwanì azè ndìtè dhu ní ndi kigò rǎrǎ atdí dǒ àkǎ kigò. ‡ ^{21:17} ^{21:17} rǒ, uvitatále Yùwanì azè ndìtè dhu ní ndi lubhà rǎrǎ atdí dǒ àkǎ lubhà.

nákpòrò lubhà-pfò-ngbò tɔrò ka kanzi nǎ ni'ì ɔrú odziya nà dhèdhèrò odu-tidò. Kà-pfò ka karù nǎ wemberè tó odu ni'ì yàsɔ tɔ kátina odu, ɔyɔ rí kisé ni'ì sàfilò, ìbhù rí kisé ni'ì kàlèdoni, ìfɔ rí kisé ni'ì zùmàridi, ²⁰ imbo rí kisé ni'ì sàdòniki, azà rí kisé ni'ì àkiki, àrùbhù rí kisé ni'ì krìsòlitè, àrù rí kisé ni'ì bèlulò, arùgyètdí rí kisé ni'ì tɔpazò, idre rí kisé ni'ì krìsòparazò, atdí kumi dóná atdí na rí kisé ni'ì hàyikitò, ndirò atdí kumi dóná ɔyɔ nà rí kisé ni'ì àmàzisitò*. ²¹ Ndirò, kǔkò i atdí kumi dóná ɔyɔ nà tsàtsù ni'ì atdí kumi dóná ɔyɔ nà yòkpó tó odu. Ìngbàtí ìlì ndì tsàtsù mà ka kabhòlò nǎ ni'ì atdí yòkpó. Ndi kigò ǔ ádrùngbǎ ngudhà ni'ì vǎnà dǔ rò rí'ì ɔrò nǎ ka kóbhòlò, ràdù àmbɛ alɛ-sisì àbhù dǔ rala ndì kiyò ǔ dhu bhěyi ngudhà.

²² Ma mala nzá Kàgàwà bhà idza wò ndi kigò ǔ. Obhó tí, àlɛ tó Ádrùngbǎlɛ Kàgàwà, yà kóró dhu dǔ arí'ì ádrùngbǎnga tó ɔbi nà alɛ mà, Tàmǎ-ngba mànà ní ndi kabhà idza. ²³ Wò ndi kigò arí'ì ìmbǎ adyifò mà àbì mànà atdyú nà ndínǎ ònǎnga nawù tí. Obhó tí, Kàgàwà bhà ádrùngbǎnga tó awáwù náarí ndi kà-ǔnga àwù, ndirò Tàmǎ-ngba ní ndi kà-ǔ tarà. ²⁴ Ndi dhu bhěyi ní ndi, kóró pbìrì ǔ alɛ nóokoya kabhà awáwù ǔ, ndirò yà adzi ǔ ádròdrò kámá níwúya fíyó ònzì nà kà ò. ²⁵ Wò ndi kigò tó tsàtsù ní ka kupbíya nǎ atdí idhò ǔ màtí, ìmbǎ kúbhingá nga ni'ìya ányì nádhunǎ. ²⁶ Kóró pbìrì ǔ alɛ nóowuya fíyó ifuta mà fíyó ònzì mànà nà ndi kigò ò. ²⁷ Ányì, Kàgàwà-nyìkpó ǔ ɔtì atdí dhu mà nóotsúya nǎ. Ndirò yà òndrò ka kóndrò atdí dǔ dhu ònzì arí alɛ mà, tìtò ùnɔ arí alɛ mànà nóotsúya nǎ ányì átò. Pbétù, kà-ò otsúya alɛ ní yà Tàmǎ-ngba bhà ípirǔnga tó bhùkù ò ka kándí ɔvòya alɛ kèlɛ.

* 21:20 21.20 Uvt 28.15-21

22

(Zèk 47.1-12)

¹ Wò dhu-dzidǒ, màlàyikà níitè ípìrǒnga tó idha-akpà idù. Ndi idha ní'ì kìràwulì ǒ nga bhěyi alɛ-nyìkpó rǐ ndòtɔ òna nǎ, ràdù àmbɛ àhɛ dǒ Kàgàwà bhà ndirò Tàmǎ-ngba tí kátina alɛ bhà ádrùngbǎ kamà tó tombi ò rò. ² Wò ndi idha náambénà òkɛ dǒ átsí Kàgàwà bhà kígò ǒ ngudhà ǒ. Ndirò, ɔyɔyɔ ndi idha-bidǒ i'ì dhu ní ípìrǒnga àbhǔ rǐ ìndrú tò itsu. Ndi itsu arána ò'ò rǒ atdí kumì dóná óyǒnà-gùna, atdí atɔ rǒ, kà-tì ní, kà rarána ò'ò rǒ atdí-gùna atdí àbǐ rǒ. Ndi itsu-bǐ nónzì rǒ ka kowúnà pbabǐ tí, kígǔ kóró pbìrì ǒ alɛ nǐ. ³ Kàgàwà ófù dhu tí ka kózùna atdí dhu mà ní'íya ìmbǎ tdítǒ. Kàgàwà mà Tàmǎ-ngba màna tó ádrùngbǎ kamà tó tombi ní'íya wò ndi kígò ǒ. Ndirò, Kàgàwà bhà alɛ núuléya ka. ⁴ Abádhí náalaya Kàgàwà-nyìkpa, ndirò ka kandíya kǒvò abádhí-nyìndri rǒ. ⁵ Kúbhingá nga ní'íya ìmbǎ tdítǒ, ndirò ka kí'íya ìmbǎ tarà mà adyifò màna tó awáwù-atdyú nà. Obhó tí, Ádrùngbǎɛ Kàgàwà náawùya ndi abádhí-dǒnga, ndirò abádhí ɔnyuya idzi dhòdhódhóngà nà.

(Màt 16.27; Gàl 6.7-8; Upf 1.1-3,7-8)

⁶ Wò dhu-dzidǒ, wòrí màlàyikà náadù àtìna ìma nǐ: «Yàrí bhükù ò rǐ'ì ɔtɛ ní obhóná ɔtɛ, yà ìmbǎ tìtò rǐ'ì òna ɔtɛ. Ndirò, Ádrùngbǎɛ Kàgàwà, yà pbànábí ùnda arǐ pbàndà ìlǐlǎ-Alafí-otù ǒ alɛ, nívi ìma, pbàndà màlàyikà ndínǐ inzà òtrò kàsùmì ǒ rǐ 'ònzì dhu mìtè tí pbàndà kasutáɛ tò.»

Yèsù rǐngò dhu

⁷ Yèsù ràtina: «Kànǐ ma mírà inzà òtrò kàsùmì ǒ! Hirò ònzì rǐ alɛ ní yà pbànábí ɔtɛ tó ófò ǒ rǐ'ì yàrí bhükù ò ɔtɛ nífǔ rǐ alɛ!»

⁸ İma Yùwanì ní ndì ma mirì ndì dhu, madù àlanà. Ní, i dhu ma m̀r̀r̀, madù àlanà r̀ò, ma m̀tsi ẁò i dhu ǹt̀è idù màlàyikà-ònzì, m̀ul̀ě ka. ⁹ P̀bétù k̀ádù àt̀ìnà ma ǹ: «İnzè! Nz̀onzi dhu ẁò dhu bhèyi! İma ní kasutále k̀èl̀ě ìnyi bhèyi, adónu p̀bànábí bhèyi, ndìr̀ò yàrí bhükù ò r̀í'ì ɔte nífũ arí ale bhèyi! K̀agàwà ní ndì nyi nyádù àkã nyuko nyi ɔnzìná ale!» ¹⁰ T̀dítò, k̀ádù àt̀ìnà İma ǹ: «Àpé nyodo yà p̀bànábí unɔ ɔte tó ófò ɔ r̀í'ì yàrí bhükù ò ɔte òdhu'ò, i dhu r̀akã òná k̀asum̀ì ǹndù wà ndì ǹídhuǹ. ¹¹ Nzére dhu ònzì arí ale náká ndòngò nzére dhu k̀èl̀ě ònzì. Ndir̀ò, K̀agàwà-nyìkpó ɔ ɔt̀ì ale náká ndòngò ndìti ndì dhu bhèyi tí. İdzi dhu ònzì arí ale náká ndòngò İdzi dhu k̀èl̀ě ònzì. Ndir̀ò, K̀agàwà-nyìkpó ɔ İlã ale náká ndòngò ndì k̀èl̀ě ù'ò ndìlã K̀agàwà-nyìkpó ɔ.»

¹² Yèsù r̀ätina: «Kànı ma m̀r̀à İnzá ɔtr̀ò k̀asum̀ì ɔ! Ní, ma m̀r̀à m̀uk̀imbà nà fudú, ndını ma mubhò tí İngbatı İlì ndì ale mà ndì ale anzì kasu-bvu r̀ò. ¹³ İma ní Álúfà ndìr̀ò ɔmégà, kà-t̀ì ní kóró dhu apè ndì r̀óná r̀ò ale ndìr̀ò kóró dhu r̀ıku dòná r̀ò ale.»

¹⁴ Hirò nonziya ale ní k̀akà r̀òyá mberù ù'ò r̀ı r̀ılã ale. Abádhı ní ndì k̀ıgò ò otsúya ndì k̀ıgò tó tsätsù ɔ, 'adù İpìr̀õnga İbho arí İndr̀ü t̀ò İtsu-kpó ɔt̀ò. ¹⁵ P̀bétù, İrinã r̀ò okoya ale ní İtsè, yà İnzá nga nòfò dhu ònzì arí ale mà, ɔndr̀ü ɔndr̀ü arí ale mà, m̀unyoǹǹ ònzì arí ale mà, İndr̀ü ɔkye arí ale mà, sànamù ùl̀ě arí ale mà, t̀ìt̀ò nózè 'adù k̀uǹò ale mànà.

¹⁶ Yèsù r̀ätina: «İma, ma mòvì p̀bàkà màlàyikà ndını adì tí kóró k̀òrí dhu tó ngàm̀ı tí kànısá ɔ. İma ní Àdr̀ungbã kamà Dàwudì-dhú tó m̀udzukuru, yà k̀uts-İngánã ar̀umbılı alalı.»

¹⁷ Ndir̀ò İlã-Alafı mà Àdhıngbã mànà r̀ätina: «İr̀à!»
Ndir̀ò, yà dhu İr̀ı r̀ı ale náká ndàt̀ı át̀ò: «İr̀à!»

Idha-atdyú nà ríì ale náǎ ndìrà, ndirò ípìrǒnga tó idha nòzè ale àǎ ndìrà kàko tírǒrò.

Dhu rǐku dòná rò ɔte

¹⁸ Ima Yùwanì, ma mí yàrí dhu òvo kpanjangba yà pbànábí ɛno ɔte tó ófò ǒ ríì yàrí bhǔkù ò ɔte ìrì rí ale tò kóró: ndi ale apé dhu isě yàrí bhǔkù ò ka kándí dhu dǒ, ní ndi ale rǎbàna àpbè dǒ, Kàgàwà iséya yà yàrí bhǔkù ò ka kándí àpbè isě tí. ¹⁹ Ndirò, ndi ale apé atdí dhu mà nípfò wò ndi pbànábí ɛno ɔte tó ófò ǒ ka kándí yàrí bhǔkù ò ɔte ò rò, ní Kàgàwà nípfoya ndi ale àmbènà àbàna yà ndi bhǔkù ò ndi ndókò fíndá làká ndi ale tò dhu-dǒngadhu-dǒnga. Ndi ale otsúya nzǐ Kàgàwà bhà ìlǐlǎ kígò ò, ndirò kǒtɔya nzǐ yà ípìrǒnga àbhǔ arí ìndrǔ tò itsu-kpǒ.

²⁰ Wòrí dhu tó obhónɡa ìtè rí ale rǎtina: «Kànǐ ma mírà ìnzá òtrò kàsùmì ǒ!»

Àmìnà! Írà, Ádrùngbǎle Yěsǔ!

²¹ Ádrùngbǎle Yěsù àǎ ndàsò nyǐ kóró!

Ungbòta-ጋwá Tá Bhǔkù

Ndrǔna: Ungbòta-ጋwá Tá Bhǔkù New Testament

copyright © 2015 Wycliffe Bible Translators, Inc.

Language: Ndrǔna (Ngiti)

Contributor: Wycliffe Bible Translators, Inc.

All rights reserved.

2020-11-19

PDF generated using Haiola and XeLaTeX on 30 Dec 2021 from source files dated 30 Nov 2021

abb6c630-aaf1-5647-8172-605215e8fe12